

戰國策正解

六

リ 8

211

6



何
久
子

戰國策正解卷七上

橫田惟孝著

魏上

白桓子凡一章

智伯索地於魏桓子。魏桓子不予。任章曰：何故弗予？

桓子曰：無故索地，故弗予。任章曰：無故索地，鄰國必

恐。重欲無厭，天下必懼。索所白反，下同。予音與，下同。任音壬，恐丘勇反。重直龍反。

厭音饜。○關君長曰：得地於鄰國而君子之地，智伯

必憍。憍而輕敵，鄰國懼而相親，以相親之兵，待輕敵

之國，智氏之命不長矣。關君長曰：命受之天，而不能安焉。天惡其驕，盈以奪之。

東
學

戰國策正解

卷七上

後形同義

周書曰將欲敗之必姑輔之將欲取之必姑與之君

不如與之以憍智伯敗必邁反○王應麟曰周書云

言老子之君何釋以天下圖智氏而獨以吾國為智

氏質乎質如韓子秦必為天下兵質矣之質的也魏

君曰善乃與之萬家之邑一智伯大說因索蔡臯梁

於趙趙弗與因圍晉陽韓魏反於外趙氏應之於內

智氏遂亡說音悅

考異坊本橋作驕質作資梁作狼亡作已

文侯凡五章

韓趙相難韓索兵於魏曰願得借師以伐趙魏文侯

曰寡人與趙兄弟不敢從趙又索兵以攻韓文侯曰

寡人與韓兄弟不敢從二國不得兵怒而反已乃知

文侯以講於已也皆朝魏難乃且反索所自反朝直

言趙聞其告韓之言二國各自知魏和親於已而朝之也

考異坊本侯以之以作已

樂羊為魏將而攻中山其子在中山中山之君烹其

子而遺之羹樂羊坐於幕下而啜之盡一杯文侯謂

覩師贊曰樂羊以我之故食其子之肉贊對曰其子

之肉尚食之其誰不食樂羊既罷中山文侯賞其功

而疑其心將子匠反遺唯季反盡津忍反

考異

坊本師作斯一本無之肉尚三字其作且

西門豹為鄴令而辭于魏文侯。文侯曰：子往矣，必就

子之功而成子之名。成就亦成也。西門豹曰：敢問就功成名

亦有術乎？文侯曰：有之。夫鄉邑老者而先受坐之士

子入而問其賢良之士而師事之，求其好掩入之美

而揚入之醜者而參驗之。夫音扶，下夫物同，坐才卧反，好呼報反。○而先之而

讀為如若也，先受坐之士謂才德為衆所尊重者，入猶就也，言就其室而問也。夫物多相類

而非也。幽莠之幼也似禾，驪牛之黃也似虎，白骨疑

象，武夫類玉，此皆似之而非者也。莠草似苗者，幽言其色盛也，禾粟苗

也，驪牛之黃謂黑牛而黃雜毛也，武夫石似玉者是言所以不可不參驗也。

考異

坊本夫鄉之夫作矣，曾劉本醜下無者字，坊本驪作鷄。

文侯與虞人期獵，是日飲酒樂。天雨，文侯將出，左右

曰：今日飲酒樂，天又雨，公將焉之？文侯曰：吾與虞人

期獵，雖樂，豈可不一會期哉？乃往，身自罷之。魏於是

乎始強。樂音洛，焉於虔反。○虞人，守範圍之吏，可不

考異

曾本不作無

魏文侯與田子方飲酒而稱樂。謂張樂也。文侯曰：鍾聲不

比乎？左高。比音毗，○不比，謂不和也，樂有左右部，左高謂左方之聲高也。田子方笑

文侯曰：奚笑？子方曰：臣聞之，君明則樂，官不明則樂

音。今君審於聲，臣恐君之聾於官也。文侯曰：善，敬聞

命。樂音洛。○樂官謂以治官為樂也。聾於官謂不能審諦於官也。

武侯凡一章

魏武侯與諸大夫浮於西河。稱曰：河山之險，豈不亦信固哉？王鐘侍坐曰：此晉國之所以強也。若善脩之，則霸王之業具矣。吳起對曰：吾君之言，危國之道也。而子又附之，是重危也。坐才卧反，王于况反，下同。武重直用反。○附，附益之也。武侯忿然曰：子之言有說乎？吳起對曰：河山之險，信不足保也。霸王之業，不從此也。昔者三苗之居，左彭蠡之波，右洞庭之水，汶山在其南，而衡山在其北。恃此險也，為政不善，而禹放逐之。汶岷通。○彭蠡，洞庭，皆湖名也。夫夏桀

之國左天門之陰，而右天谿之陽。盧畢在其北，伊洛出其南。有此險也，然為政不善，而湯伐之。天門，即伊闕也。天谿，河濟也。盧畢，地名。伊洛，二水名。殷紂之國左孟門而右漳

釜，前帶河，後被山，有此險也。然為政不善，而武王伐之。釜，釜通用，被皮寄反。孟門，山名。漳，釜二水名。且君親從臣而勝降城，城

非不高也，人民非不衆也。然而可得奔者，政惡故也。從是觀之，地形險阻，奚足以霸王矣。從，臣之從才用反。降，戶江反。并

德音併。○言在險也。武侯曰：善。吾乃今日聞聖人之言也。西

河之政，專委之子矣。史記曰：封吳起為西河守。

考異坊本無豈字，一本鍾作錯，高本侍坐作侍王，無重字，一本無信不之信字，高本保也，下有

後周國鼎

是字坊本同今從一本坊本左彭右洞間並有字高本唯右洞間有今從一本高本汶作文坊本夏上無夫字高本盧畢作盧畢曾本作盧畢一本畢作澤坊本高下無也字

惠王凡九章

魏公叔痤為魏將而與韓趙戰澮北禽樂祚魏王說郊迎以賞田百萬祿之將子匠反說音悅○鮑彪曰樂祚趙將賞田開田以待賞

有功者公叔痤反走再拜辭曰夫使士卒不崩直而不

倚揀撓而不避者此吳起餘教也臣不能為也夫音扶○

直而不倚謂直立而不傾側揀擊撓亂也言擊亂敵兵而不避其強也前脈壑形之險

阻決利害之備使三軍之士不迷惑者巴寧嬰襄之

力也前猶豫也脈猶察也縣賞罰於前使民昭然信之於後者

王之明法也賜音女○言見敵之可擊也鼓之不敢

怠倦者臣也王特為臣之右手不倦賞臣可也若以

臣之有功臣何力之有乎為于偽反下同○王曰善右手執桴故云爾

於是索吳起之後賜之田二十萬巴寧嬰襄田各十

萬索所反王曰公叔豈非長者哉既為寡人勝強敵矣

又不遺賢者之後不捨能士之迹公叔何可無益乎

故又與田四十萬加之百萬之上使百四十萬長丁反

○迹功迹也故老子曰聖人無積盡以為久已愈有既以

與久已愈多公叔當之矣盡津忍反○既亦盡也是記者之詞

考異坊本揀作揀一本撓下無而字高本避作辟坊本壑作地一本巴作己高本無擊字坊本

後周園藏

同、今從一本、坊本拚作掩、劉本盡作既、

魏公叔痤病。惠王往問之曰：公叔病，即不可諱，將奈

社稷何？即猶若也。後漢桓榮傳注：死者人之常，故言不諱也。公叔痤對曰：痤有

御庶子公孫鞅，願王以國事聽之也。為弗能聽，勿使

出境。王弗應。御庶子，官名，痤之家臣也，為若也。出而謂左右曰：豈不

悲哉！以公叔之賢，而謂寡人必以國事聽鞅，不亦悖

乎？王固不知鞅，以為痤有別所薦舉，而薦其家臣，故其言如是。公叔痤死，公孫鞅

聞之，出奔西之秦。考公受而用之，秦果日以強。魏日

以削，此非公叔之悖也。惠王之悖也。悖者之患，固以

不悖者為悖。聞之，謂聞痤曰勿使出境也。此記者之詞。

考異

一本為弗之為作若，高本出奔作已，葬坊本同，今從劉本。

秦韓圍梁，燕趙救之，謂山陽君曰：秦戰而勝三國，秦

必過周韓而有梁，三國而勝秦，三國之力雖不足以

攻秦，足以拔鄭。計者不如搆三國攻秦。燕為賢及後國名，倣之，不

復音○山陽君，魏人，見楚宣王策，蓋是時在韓用事而客謂之也。三國，梁燕趙也。關君長曰：韓已滅鄭而有之，言秦勝三國必有梁，三國勝秦其力雖不足以

攻秦，秦亦不能救韓，故足以取鄭，愚謂二者皆非韓之利也，故不如

講三國攻秦

考異

坊本章首秦下無韓字

龐葱與太子質於邯鄲，謂魏王曰：今一人言市有虎，

王信之乎？王曰：否。二人言市有虎，王信之乎？王曰：寡

後周園鼎

人疑之矣。三人言市有虎，王信之乎？王曰：寡人信之矣。龐葱曰：夫市之無虎明矣，然而三人言而成虎。今邯鄲去大梁也遠於市，而議臣者過於三人矣。願王察之矣。王曰：寡人自為知。質音致，下同。夫音扶。於是辭行而讒言先至，後太子罷質，果不得見。先至謂身猶在途而

讒言先至也。太子罷質而歸，蔥果不得見。見王言王信讒也。

考異

坊本祭之矣之矣作也。後太子罷質，果不得見。魏君矣。劉本作後果。不見龐君。王曰：寡人自為知。太子罷質，果不得見。

梁王魏嬰觴諸侯於范臺，酒酣請魯君舉觴。

上觴以酒飲人

也。下觴，酒爵也。林西仲曰：酒以成禮。既酣矣，復請舉觴，以涉於甘酒。

魯君興避席擇言

曰：昔者帝女令儀狄作酒而美，進之禹，禹飲而甘之。

遂疏儀狄，絕旨酒。曰：後世必有以酒亡其國者。

令力呈反

疏，疎通。○關君長曰：淫溺必亡，擇其知戒者言之。

齊桓公夜半不寐，易身乃

煎熬燔炙，和調五味而進之。桓公食之而飽，至旦不

覺。曰：後世必有以味亡其國者。

和戶臥反。覺古孝反。○關君長曰：不寐，不

足也。蓋言三饒而思食也。

晉文公得南之威，三日不聽朝，遂推南

朝直遙反。推吐回反。

之威而遠之。曰：後世必有以色亡其國者。

朝直遙反。推吐回反。

遠于萬反。○關君長曰：南威，美人名之語助。

楚王登強臺而望崩山，左江

而右湖，以臨彷徨，其樂忘死。遂盟強臺而弗登。曰：後

世必有以高臺陂池亡其國者。

樂音洛，下同。○彷徨，猶徘徊也。澤障曰陂。

停水曰池今主君之尊儀狄之酒也。主君之味易牙之調

也。左白台而右閭須。南威之美也。前夾林而後蘭臺。

強臺之樂也。有一於此足以亡其國。今主君兼此四

者可無戒與。調徒弔反與音餘。白台閭須皆美人名。梁王稱善相屬。音屬

燭也。林西仲曰頗服善。

考異

坊本梁王作梁主一本無令字南下無之字強作荆崩作崇彷彿作方皇

魏惠王起境内衆將太子申而攻齊。客謂公子理之

傳曰何不令公子泣王太后止太子之行事成則樹

德不成則為王矣。將子匠反下同令力呈反。關君長曰蓋王謂惠王乃惠王之后太子

子母也太疑作與或行言太子勝齊則以理止其行樹德於太子太子戰敗而不還理必為太子立為王

太子年少不習於兵田盼宿將也而孫子善用兵

戰必不勝不勝必禽。少詩照反。孫子孫贖也二人皆齊將。公子爭之

於王。王聽公子。公子必封。不聽公子。太子必敗。敗公

子必立。立必為王也。爭音諍。言理必立為太子立為太子則必為王。

魏太子自將過宋外黃。將子匠反下同過音也。太子太子申也。外黃徐

子曰臣有百戰百勝之術。太子能聽臣乎。太子曰願

聞之。客曰固願效之。客即徐子也。關君長曰效言也四字移之術下亦通。今太

子自將攻齊大勝并莒則富不過有魏而貴不益為

王。若戰不勝則萬世無魏。此臣之百戰百勝之術也。

太子曰諾請必從公之言而還。并音併。高誘曰益亦過也。不勝則太子

後形國載

後形國載

滅復何魏之有故云萬世無魏也愚謂還則無客曰

太子雖欲還不得矣彼利太子之戰攻而欲滿其意

者衆太子雖欲還恐不得矣高誘曰彼謂魏戰士也

盈滿其志意者衆多也愚謂是言所以不得太子生

車請還其御曰將出而還與北同不如遂行上時掌

佩又如字○高誘曰北退走也與退走者同罪遂行與齊人戰而死卒不得

魏卒子律反○高誘曰齊人敗之馬陵奪

齊魏戰於馬陵齊大勝魏殺太子申覆十萬之軍魏

王召惠施而告之曰夫齊寡人之讎也怨之至死不

忘國雖小吾常欲悉起兵而攻之何如對曰不可臣

聞之王者得度而霸者知計今王所以告臣者疏於

度而遠於計夫音扶疏疎通王固先屬怨於趙而後

與齊戰今戰不勝國無守戰之備王又欲悉起而攻

齊此非臣之所謂也屬音燭○屬猶結也魏伐趙齊

趙而後與齊戰所謂即王若欲報齊乎則不如因變

服折節而朝齊楚王必怒矣朝直遙反下同○變服

屈中折人君之節言魏自界而朝王游人而合其鬪則

楚必伐齊以休楚而伐罷齊則必為楚禽矣是王以

楚毀齊也罷音疲○游入而合其鬪謂魏王曰善乃

使人報於齊願臣畜而朝田嬰許諾臣畜謂以張丑

後周國策

後周國策

曰不可戰不勝魏而得朝禮與魏和而下楚此可以

大勝也

得朝禮謂齊魏和平而得諸侯相朝之禮下楚謂下兵於楚言與魏和親而伐楚可以大

也勝今戰勝魏覆十萬之軍而禽太子申臣萬乘之魏

而卑秦楚此其暴戾定矣且楚王之為久也好用兵

而甚務名終為齊患者必楚也

乘繩證反好呼報反定猶極也田

嬰不聽遂內魏王而與之並朝齊侯再三趙氏醜之

楚王怒自將而伐齊趙應之大敗齊於徐州內音納將子匠

反敗必遇反疾疑當作王

考異

坊本卑作甲高本暴下有於字

惠施為齊魏交令太子鳴為質於齊

令力呈反質音致下同關君

見之長曰此說往事也又曰惠王太子申死而鳴赫皆謂太子何也不知公子為嗣者亦謂太子與王欲

病臣請說嬰子曰魏王之年長矣今有疾公不如歸

太子以德之不然公子高在楚楚將內而立之是齊

抱空質而行不義也說始銳反長丁丈反內音納楚納高而立之則是齊抱空質

也王病留太子而不歸則是不義也

考異高本為齊作謂韓

襄王

凡十章

魏惠王死葬有日矣天大雨雪至於牛日壞城郭且

為棧道而葬兩于付反壞音怪○至羣臣多諫太子

於牛日謂雪積甚深也

後

者曰。雪甚如此而喪行。民必甚病之。官費又恐不給。

請弛期更日。更音庚。下更日同。○關君長曰。太子曰。弛猶展也。謂展限更期葬日也。

為入子。而以民勞與官費用之故。而不行先王之喪。

不義也。子勿復言。復扶又反。○官費。用謂官費財用也。羣臣皆不敢言。

而以告犀首。犀首曰。吾未有以言之也。是其唯惠公

乎。請告惠公。惠公曰。諾。惠公。惠施也。駕而見太子曰。葬有

日矣。太子曰。然。惠公曰。昔王季歷葬於楚山之尾。纒

水齧其墓。見棺之前。和文王曰。嘻。先君必欲一見羣

臣百姓也。夫故使纒水見之。於是出而為之。張朝百

姓皆見之。三日而後更葬。此文王之義也。纒音驚。除見之見。

餘皆賢。遍反。和。牀通。夫音扶。為于。偏反。下為。及。同。張。知。亮。反。朝。直。遙。反。○纒。漏。流。也。和。棺。頭。也。墓。為。漏。流。

所。缺。故。棺。頭。見。也。出。出。棺。於。墓。也。張。朝。陳。設。朝。位。於。墓。上。使。羣。臣。百。姓。見。之。也。韓。子。燕。王。曰。今。吾。任。子。之。

天。下。未。之。聞。也。於。是。明。日。張。朝。而。聽。子。之。今葬有日矣。而雪甚及牛目。難

以行。太子為及日之故。得毋嫌於欲亟葬乎。言下欲不後於葬。

之。期。且。雪。而。成。事。不。免。於。不。思。親。而。欲。亟。葬。之。嫌。也。願太子更日。先王必欲少

留而扶社稷。安黔首也。故使雪甚。因弛期而更為日。

此文王之義也。若此而弗為。意者羞法文王乎。太子

曰。甚善。敬弛期更擇日。黔首。謂民也。黔。黑也。言其頭黑也。吳師道曰。禮祭儀亦有。

黔首。字。非。始。於。秦。惠子非徒行其說也。又令魏太子未葬其

先王。而因又說文王之義。說文王之義。以示天下。豈

後周隱帝

小功也哉。

此記力呈反。○

考異

一本惠公作薛公，一本公並作子，高本張下有於字，坊本又令下無魏字，因又作又因。

徐州之役，犀首謂梁王曰：「何不陽與齊而陰結於楚？」

二國恃王必戰，齊戰勝楚而與乘之，必取方城之外。

楚戰勝齊而與乘之，是太子之讎報矣。

徐州之役，楚敗齊，見惠王

策太子太子申也。

考異

高本恃王下有齊楚二字，勝齊下有敗字。

蘇子為趙合從，說魏王曰：「大王之地，南有鴻溝、陳、汝。」

許、鄆、昆陽、邵陵、舞陽、新鄆，東有淮、潁、沂、黃、煮、棗、海、鹽。」

無疎，西有長城之界，北有河外、卷、衍、燕、酸、棗，塞方千里。」

里，塞名，雖小，然而廬田、廡舍，曾無所芻牧牛馬之衆。」

人民之衆，車馬之多，日夜行不休已，無以異於三軍之衆。」

為于偽反，下為大同，從子容反，下從親同，說始銳反，卷音權，曾才能反。○鴻溝，汝、淮、潁、沂，皆水名。陳、許、鄆、昆陽、邵陵、新鄆、黃、煮、棗、海、鹽、無疎、長城，河外、卷、衍、燕、酸、棗，皆地名。廬，田間屋，無，廊下周屋，已止也。

臣竊料之，大王之國，不下於楚，然橫人誅王，外交強虎狼之秦，以侵天下，卒有國患，不被其禍，夫挾強秦之勢，以內劫其主，罪無過此者。」

卒音粹，被皮寄反，夫音扶，下同。○不

下於楚，言富強不在楚下也。誅，誅也。不，被其禍，言魏有秦患，而橫人不任其禍。且魏天下之

強國也，大王天下之賢王也，今乃有意西面而事秦，

稱東藩，築帝宮，受冠帶，祠春秋，臣竊為大王愧之。」

音藩

後周園藏

秦冠帶制度也。祠春秋春秋貢奉以助秦祭也。臣聞

越王句踐以散卒三千禽夫差於干遂武王卒三千

人革車三百乘斬紂於牧之野豈其士卒眾哉誠能

振其威也。句古侯反下同散若散人散木之散散卒謂

罷敵不稱用之卒也。今竊聞大王之卒武力二十餘萬蒼頭二

十萬奮擊二十萬廝徒十萬車六百乘騎五千匹此

其過越王句踐武王遠矣。騎寄寄反○司馬貞曰蒼

衆廝徒謂廝養之卒陳子龍曰韓魏逼秦地形相錯

非可以險阻自固須堅意力戰乃可自立故李季皆

以精兵利器為言今乃劫於羣臣之說而欲臣事秦

夫事秦必割地效質故兵未用而國已虧矣凡羣臣

之言專秦者皆姦臣非忠臣也夫為人臣割其主之

地以求外交偷取一旦之功而不顧其後破公家而

成私門外挾強秦之勢以內劫其主以求割地願大

王之熟察之也。質音致○偷苟且也徐乎遠曰蘇子

魏國用事之臣恐其撓成也周書曰綿綿不絕縵縵奈何毫毛不

拔將成斧柯前慮不定後有大患將奈之何。綿綿微

史記作蔓蓋通借蔓延也言微細不絕滋大王誠能

聽臣六國從親專心并力則必無強秦之患故故邑

趙王使使臣獻愚計奉明約在大王詔之。并音併使

吏反○在大王詔之言魏王曰寡人不肖未嘗得聞

從約之成否在魏王言

後周匡藉

明教今主君以趙王之詔詔之敬以國從

主君大夫稱謂蘇秦

考異

坊本汝下有南有二字，棗下無海鹽二字，曾本疎作胥，坊本塋皆作地，無塋名之塋字，曾

本同，曾劉本無罪無過此者五字，坊本賢王作賢主，曾劉本無六百乘之乘，五千匹之匹字，劉本質作實，坊本無求字，縵作蔓，奈作若。

張儀欲并相秦魏故謂魏王曰儀請以秦攻三川王

以其間約南陽韓氏亡

并音併，下同，相息亮反，下同，間古覓反，○三川南陽皆韓

地，關君長曰約猶急謂迫窘也，言張儀攻三川魏乘其間隙以急代南陽也。

史厭謂趙獻

曰公何不以此楚佐儀求相之於魏韓恐亡必南走楚

走則侯反，○史厭未詳何人，趙獻蓋楚臣走謂韓合楚也，儀兼相秦魏則公亦必

并相楚韓也

鮑彪曰儀因獻得相必德獻楚得韓儀必緩攻韓亦德獻也

魏王將相張儀犀首弗利故令人謂韓公叔曰張儀

已合秦魏矣其言曰魏攻南陽秦攻三川韓氏必亡

相息亮反，下同，令力呈反，○其言儀言也，止于是。

且魏王所以貴張子者欲

得地也則韓之南陽舉矣

言魏所以相儀者欲得地也，今與秦伐韓則南陽必

舉矣，子盍少委焉以為行功則秦魏之交可廢矣如此

則魏必圖秦而棄儀收韓而相行

言少委地於行，以

而得地必悅以貴行，而秦魏之交可廢矣，如公叔以此則魏必計絕秦而不相儀，合韓而相行。

公叔以

為信因而委之犀首以為功果相魏

魏以行為相也

考異

坊本信作然，曾本作便。

楚許魏六城與之伐齊而存燕。齊破燕故伐齊而存燕也張儀欲

敗之謂魏王曰齊畏三國之合也必反燕塞以下楚

楚必聽之而不與魏六城是王失謀於楚而樹怨於

齊秦也。敗必邁及下還嫁及○三國楚魏燕也下楚謂卑下於楚也失謀謂欲得六城而不得也

樹怨謂將與楚伐齊故二國皆怨也齊遂伐趙取乘丘收侵地虛頓丘

危楚破南陽九夷內沛許鄆陵危。虛音墟○侵地趙所侵於齊地虛頓

丘許鄆陵皆魏地南陽九夷內沛皆近魏地此言齊楚合則伐魏近地以迫之也王之所得

者新觀也而道涂宋衛為制事敗為趙驅事成功縣

宋衛魏王弗聽也。觀古亂反為趙之為于偽反縣音女○新觀蓋楚所許六城之地也

事敗謂政不行民不和也驅逐遣也言魏雖得新觀而道歷二國遙為節制若政不行民不和則趙必得

之是為趙驅民也政行民和而二國不通則不得有

之是有之之功縣於二國也此言魏雖得六城而不得

能自張儀告公仲令以饑故賞韓王以近河外。令力用也

○賞疑貸訛儀以其說不行教公仲令請魏王以饑故貸韓王以近河外之地而移民就食也魏王

懼問張子張子曰秦欲救齊韓欲攻南陽。言移民於地者陽為飢故而陰為救齊攻南陽也秦韓合而欲

攻南陽無異也且以遇卜王王不遇秦韓之卜也決

矣。言二國合而韓欲攻南陽者無異故也將以王遇秦厚薄卜其向背王若不善遇秦則韓明知魏情

魏王遂尚遇秦信韓廣魏救趙斥楚人遽於草下伐

齊之事遂敗。尚加也廣寬也遽傳遽也謂楚以傳遽

於韓寬魏之憂救趙之難斥楚遽人伐齊之事遂敗此記者之詞

後周園藏

考異

下楚下高本有楚趙二字坊本無今從一本高本楚而間有趙字曾本魏王弗聽也以下別為一章高本斥作尺坊本單作革

張儀惡陳軫於魏王曰軫善事楚為求壤地也甚力

為于偽反○按楚策善上有猶字言軫雖在魏猶善事楚為楚求地甚力左華謂陳軫曰

儀善於魏王魏王甚愛之公雖百說之猶不聽也公

不如以儀之言為資而反於楚王說始銳反○反於楚此衍王字言以儀謂軫善事楚之言為反於楚之資

陳軫曰善因使人先言

於楚王關君長曰軫高在魏故云先也

考異

坊本章末楚下無王字

張儀欲窮陳軫令魏王召而相之來將悟之令力呈反相息

將行其子陳應止其公之行

曰物之湛者不可不察也公謂父也關君長曰湛疑作甚以相召之亦甚者是

可以鄭彊出秦曰應為智韓策鄭彊載金入秦請伐韓故此云出秦也以應止

行為智也夫魏欲絕楚齊必重迎公郢中不善公

者欲公之去也必勸王多公之車夫音扶○軫在楚魏恐齊楚合故必

稱疾而毋行使人謂齊王曰魏之所以迎我者欲以

絕齊楚也既得重迎多車而後行示二國重已至宋稱疾而留使人謂齊王也齊王曰

子東無之魏而見寡人也請封子因以魯侯之車迎

之東東來齊也鮑彪曰以嘗所迎魯侯者迎之重之也愚謂此言齊待之必然也

後形國藏

考異 坊本悟作倍曾本
作特高本智作知

張儀欲以魏合於秦韓而攻齊楚。惠施欲以魏合於齊楚以案兵人多為張子於王所。為于偽反。○惠子

謂王曰。小事也。謂可者謂不可者。正半况大事乎。以

魏合於秦韓而攻齊楚。大事也。而王之羣臣皆以為

可。不知是其可也。如是其明耶。而羣臣之智術也。如

是其同耶。言凡小事猶可否相半。况大事宜有可否。明耶。羣臣之智術。如是其同耶。是未可知也。是其可也。未如是其明也。而

羣臣之智術也。又非皆同也。是有其半塞也。所謂劫

主者。失其半者也。塞先北反。○塞。雍蔽也。言其可未明。智術又非皆同。則必可否相半。

而皆以為可。是有其半。以為不可者。雍蔽而不可也。所謂劫主。強從者。失其半。以為不可者。也。

考異 坊本耶而之而作亡。有
其作其有。劫主作劫王。

張儀以秦相魏。齊楚怒而欲攻魏。相息亮反。下同。○齊楚惡儀。而魏相

之故。雍沮謂張子曰。魏之所以相公者。以公相則國

家安。而百姓無患。今公相而魏受兵。是魏計過也。齊

楚攻魏。公必危矣。張子曰。然則奈何。雍沮曰。請令齊

楚解攻。呈令力反。雍沮謂齊楚之君曰。王亦聞張儀之約

秦王乎。曰。王若相儀於魏。齊楚惡儀。必攻魏。魏戰而

勝。是齊楚之兵折。而儀固得魏矣。若不勝。魏必事秦。

以持其國。必割地以賂王。若欲復攻其敵。不足以應

後形圖說

秦此儀之所以與秦王陰相結也。今儀相魏而攻之。
 是使儀之計當於秦也。非所以窮儀之道也。惡鳥路
又及○欲復攻其敵言若齊楚欲乘魏疲敵而復
攻之而魏既事秦秦救之則二國不能當秦也
 楚之王曰善。乃遽解攻於魏。

考異

高本魏必間有魏字坊本遽作遂

哀王

凡二十章

謂張儀。臣謂齊王曰。王不如資韓朋。與之逐張儀於魏。
 魏因相犀首。因以齊魏廢韓朋。而相公叔。以伐秦。
相息亮反○章首謂臣二字鮑彪所補今姑從之蓋儀時相魏韓朋欲逐之而又與公叔不善故客言如是此設辭也以
 公仲聞之。必不入於齊。據公於魏。是

公無患

公仲韓朋字也入疑當作令公指儀也言朋開客謂齊王之言則恐己之廢必不合齊以

逐儀及據儀於魏如

考異

高本齊王作秦王

陳軫為秦使於齊。過魏求見犀首。犀首謝陳軫。為于

使所吏反下除王使皆使不使餘陳軫曰。軫之所以

來者事也。公不見軫。軫且行。不得待異日矣。犀首乃

見之。事謂欲以衍所事告之蓋衍謝以陳軫曰。公惡

事乎。何為飲食而無事。惡鳥路及下同○言何犀首

曰。行不肖不能得事焉。何敢惡事。陳軫曰。請移天下

之事於公。開君長曰取彼置此謂之犀首曰。奈何。陳

軫曰魏王使李從以車百乘使於楚公可以居其中而疑之乘繩證反下同○關君長曰言李從出使行居其國因可以令諸侯疑之公謂魏

王曰臣與燕趙故矣數令人召臣也曰無事必來今

臣無事請謁而往無久旬五之期王必無辭以止公

公得行因自言於廷曰臣急使燕趙急約車為行具

犀首曰諾數色角反令力呈反○故謂舊好也謁告也謂告暇也旬五之期期十五日也謁

魏王王許之即明言使燕趙諸侯客聞之皆使人告

其王曰李從以車百乘使楚犀首又以車三十乘使

燕趙齊王聞之恐後天下得魏以事屬犀首犀首受

齊事魏王止其行屬音燭下同○鮑彪曰初以無事請行今有齊事魏亦且任之故止

之燕趙聞之亦以事屬犀首楚王聞之曰李從約寡

人今燕齊趙皆以事因犀首犀首必欲寡人寡人欲

之乃倍李從而以事因犀首倍音佩○因猶依也言以國事依托犀首也

魏王曰所以不使犀首者以為不可今四國屬以事

寡人亦以事因為犀首遂主天下之事復相魏復扶又反

相息亮反○鮑彪曰復言得四國又相魏也非已相罷而又復

考異高本飲食而無事下有無事必來四字坊本廷作庭王王間有魏字無又字高本三十作

三千坊本其行作其使

齊王將見燕趙楚之相於衛約外魏魏王懼恐其謀

伐魏也告公孫衍公孫衍曰王與臣百金臣請敗之

後周國難

王為約車載百金犀首期齊王至之日先以五十乘
 至衛間齊行人以百金以請先見齊王乃得見因久
 坐安從容談相息亮反下同敗必邁反為于偽反乘
 繩證及間古竟反從子容反○期猶待
 也行人官名以百金間遺行三國之相怨謂齊王曰
 人也安安間也從容閑暇也王與三國約外魏魏使公孫衍來今久與之談是王
 謀三國也齊王曰魏王聞寡人來使公孫子勞寡人
 寡人無與之語也三國之相不信齊王之遇遇事遂
 敗勞力報反○言遇於衛
 約外魏之事遂敗也

考異 孫本載
 作齊

魏令公孫衍請和於秦秦素母恢教之語曰無多割力令

呈反語魚據反○曰和成固有秦重和以與王遇和

不成則後必莫能以魏合於秦者矣關君長曰更加
 白者別恢說其

由也言無多割而和成則秦重和也必與王遇以無
 多割而和不成則秦重地也人惡其貪買必莫令魏
 割地以合於秦矣

考異 坊本無曰和之曰字
 孫本無和成之和字

公孫衍為魏將與其相田需不善季子為衍謂梁王

曰王獨不見夫服牛驂驥乎不可以行百步將子匠
 反下同

相息亮反下同為衍之為于偽反夫音扶○車衡中
 兩馬曰服其外兩馬曰驂關君長曰牛驂性異遲疾
 不同固不相得者而責同車
 之任乃所以不能百步也今王以衍為可使將故

用之也而聽相之計是服牛驂驥也牛馬俱死而不

能成其功王之國必傷矣願王察之

考異

坊本獨上無王字一本
驥也間有之道二字

犀首田盼欲得齊魏之兵以伐趙梁君與田侯不欲
犀首曰請國出五萬人不過五月而趙破田盼曰夫
輕用其兵者其國易危易用其計者其身易窮公今
言破趙太易恐有後咎犀首曰公之不慧也夫二君
者固已不欲矣今公又言難以懼之是趙不伐而二
士之謀困也且公直言易而事已去矣夫音扶下同
輕遣政反易
以致反○關君長曰言謀困之後雖
直言易而事機已去矣不可復用也夫構難而兵結
田侯梁君見其危又安敢釋卒不我予乎難乃且反
予音與○

釋舍也卒二士所帥之卒也
言二君見其危必與援兵

田盼曰善遂勸兩君聽

犀首犀首田盼遂得齊魏之兵兵未出境梁君田侯
恐其至而戰敗也悉起兵從之大敗趙氏從才用反
下敗必邁

考異

高本又言下有有字
一本二士作二君

犀首見梁君曰臣盡力竭智欲以為王廣土取尊名
田需從中敗臣王又聽之是臣終無成功也需亡臣
將侍需侍臣請亡盡津忍反為于偽反下皆同敗必
邁反將七羊反○從中敗臣謂需
在二君側敗中衍之
事上也將亦請也王曰需寡人之股掌之臣也為子之
不佞也殺之亡之外之母謂天下何內之無若羣臣

戰國策正解

卷之二十一

三

後形同義

往周園籍

何也。股掌猶股肱也。關君長曰。毋恐衍文。愚按。史記此母或亦然。言外之天下。內之羣臣。皆不可以解說也。今吾為子外之。令母敢

入子之事。入子之事者。吾為子殺之亡之。胡如犀首許諾。令力呈反。○外之二字疑衍。入猶與也。胡如猶何如也。於是東見田嬰與

之約。結召文子而相之。魏身相於韓。相息亮反。○吳師道曰。犀首約

蘇代為田需說魏王曰。臣請問文之為魏。孰與其為齊也。王曰。不知其為齊也。行之為魏。孰與其為韓也。

王曰。不知其為韓也。蘇代曰。行將右韓而左魏。文將

右齊而左魏。二人者將用王之國。舉事於世中道而不可。王且無所聞之矣。為于偽反。說始銳反。○右左

滲樂而從之可也。此十一字疑他章錯簡。關君長曰。滲作湛。移置章末。事下文意方順。王之國雖

為二人者曰。需非吾人也。吾舉事而不利於魏。需必

挫我於王。二人者必不敢有外心矣。舍置也。外心猶二心也。二人者之所為之。利於魏與不利於魏。王厝需於側。以

稽之。碻哲夫曰。二十三字。蓋上文舍需於側。以稽二人者之所為。十二字之注也。誤入本文。臣以為身利而便於事。身。王曰善。果厝需於側。厝亦

後周園...

考異

劉連前章曾別為一章坊本同今從之高本也蘇間有而字坊本王且作且王劉本無為

史舉非犀首於王

史舉即甘茂所事者

犀首欲窮之謂張儀曰

請令王讓先生以國王為堯舜矣而先生弗受亦許

由也衍請因令王致萬戶邑於先生

令力呈及下同先生指史舉

也言因史舉不受國而今王致邑也

張儀說因令史舉數見犀首

說音悅數

色角及○錢福曰史舉蓋張儀羽翼故數使見行以求萬戶之邑

王聞之而弗任也

史舉不辭而去

史舉始非衍而今數見之故王疑而不任也

考異

坊本無衍請之請字

楚王攻梁南韓氏因圍蕃

蕃魏地韓乘間圍之

成恢為犀首謂

韓王曰疾攻蕃楚師必進矣魏不能支交臂而聽楚

韓氏必危故王不如釋蕃

為于為及○交臂謂交拜之釋解圍也楚魏合則

韓危矣故不

能守而又况存蕃乎若戰而勝兵罷敵大王之攻蕃

易矣

罷音疲易以致反

考異

坊本蕃作黃若戰下無而字

張儀為秦連橫說魏王曰魏堦方不過千里卒不過

三十萬又堦四平諸侯四通條達輻湊無有名山大

川之阻從鄭至梁不過百里從陳至梁二百餘里馬

馳人趨不待倦而至

為于為及下為大同說始銳反下說一以說同○關君長曰條

後周隱帝

卷七

二十二

後周隱帝

條直大道也。達通也。言諸侯四集，自大道達梁如輻。湊於轂，愚謂韓并鄭，楚并陳，鄭陳即韓楚也。言自韓楚至梁皆地平而近，人馬不及疲倦而至梁也。梁南與楚境，西與韓境，北與

趙境，東與齊境，卒戍四方，守亭障者參列粟糧糟庚

不下十萬，魏之壘勢故戰場也。故固通。○鮑彪曰：十里一亭障，隔也。築城

壘為之，關君長曰：庚疑作康，據通，愚謂以上言魏地小兵少而易攻難守也。魏南與楚而

不與齊，則齊攻其東，東與齊而不與趙，則趙攻其北。

不合於韓，則韓攻其西，不親於楚，則楚攻其南。此所

謂四分五裂之道也。此言難自立也。且夫諸侯之為從者以

安社稷，尊主強兵，顯名也。合從者一天下，約為兄弟。

刑白馬以盟於洹水之上，以相堅也。夫親昆弟同父

母，尚有爭錢財而欲恃詐偽反覆，蘇秦之餘謀，其不

可以成亦明矣。夫音扶，下同。從子容及下同。○合史記作今，此恐誤。此言從不可恃也。

大王不事秦，秦下兵攻河外，拔卷，衍燕酸棗，劫衛，取

晉陽，則趙不南，趙不南則魏不北，魏不北則從道絕。

從道絕則大王之國欲求無危不可得也。卷音權。○趙為從主。

故專言趙。秦挾韓而攻魏，韓劫於秦，不敢不聽，秦韓為一

國，魏之亡可立而須也。此臣之所為大王患也。兼有而恃。

之謂挾，史記無國字，此恐衍，以上言不事秦之害也。為大王計，莫如事秦，事秦

則楚韓必不敢動，無楚韓之患，則大王高枕而卧，國

必無憂矣。枕之鳩反。○此言事秦之利也。且夫秦之所欲弱莫如楚

而能弱楚者莫若魏。楚雖有富大之名，其實空虛。其卒雖衆多，然而輕走易北，不敢堅戰。悉魏之兵，南面

而伐，勝楚必矣。夫虧楚而益魏，攻楚而適秦，內嫁禍安國，此善事也。輕，連政反，易以政反，北音佩，又如字。適，如莊子適人之適，之適，秦之所

欲弱莫如楚，今攻之而適其所欲也。史記無內字，此恐衍。移魏禍於楚，故曰嫁禍，此亦言事秦之利也。大王不聽，臣秦甲出而東伐，雖欲事秦而不可得也。

此言不可不速事秦也。且夫從人多奮辭而寡可信，說一諸侯之王，出而乘其車，約一國而成，反而取封侯之基，是

故天下之游士莫不日夜搯腕，瞋目切齒，以言從之。便以說人，主人主覽其辭，牽其說，惡得無眩哉。惡音烏。

奮辭猶大言也。搯，把也。瞋，張目也。切齒，齒相摩也。皆奮激之狀。覽，攬通，言為其辭所攬取。臣聞

積羽沈舟，羣輕折軸，衆口鑠金，故願大王之熟計之也。沈，直禁反。以上言王。魏王曰：寡人蠢愚，前計失

之，請稱東藩，築帝宮，受冠帶，祠春秋，效河外。蠢，書容反。藩，音蕃。蠢亦愚也。餘見上。

考異坊本不過千里，作不至千里，阻作險，粟糧糟庚作乘糧漕，庚纂一本作粟糧漕，庚劉本不親作不合坊本爭作事，曾本燕作點，坊本道絕下無從道絕三字，高本多然作多言，無悉字及東伐之伐字。

齊魏約而伐楚，魏以董慶為質於齊。楚攻齊，大敗之。

而魏弗救，田嬰怒，將殺董慶。盱夷為董慶謂田嬰曰：

楚攻齊大敗之。而不敢深入者，以魏為將內之於齊。而擊其後。質音致，敗必邁，及為董之為干偽。今殺董

慶，是示楚無魏也。魏怒，合於楚。齊必危矣。不如貴董慶，以善魏而疑之於楚也。言令楚疑魏有計也。

考異

坊本伐楚下無魏字，軒作軒，劉本作干，坊本無為董慶三字，一本貴作舍。

張儀走之魏，魏將迎之。蓋自秦也。張刃諫於王，欲勿內

不得於王。張刃退，復諫於王曰：「王亦聞老妾事其主婦者乎？子長色衰，重家而已。」內音納，下同。復扶又反。長丁丈反。○關君長曰：

以子長將立而已，老不可事久，故惟其家為重而已。今臣之事王，若老妾之事其主婦者，言刃之事王，惟國為重，若老妾家為重，故拒王迎儀也。魏王因不內。

張儀

考異

坊本家作嫁。

文子田需周霄相善，欲罪犀首。

關君長曰：依召文子，似時在齊，惟需霄在

梁蓋二人欲下加罪於行以逐之，而相中田文上也。

犀首患之，謂魏王曰：「今所患

者齊也。嬰子言行於齊王，王欲得齊，則胡不召文子而相之？彼必務以齊事王。」

相息亮反，下同。○關君長曰：彼指嬰也，言其言行於

齊王而魏相其子，則必以齊事王。

王曰：「善。」因召文子而相之。犀首以

倍田需周霄

倍音佩，○行令文子背二人也。鮑彪曰：二人雖善文，今行薦文，文善行，善行則

復背其所善。

考異

高本坊本章首有魏字，今從一本。

後周國葬

卷七上

後周國葬

後周國葬

魏王令惠施之楚令犀首之齊令力呈反下乘數鈞同乘繩證反

○言二子者乘數鈞將測交也楚王聞之此

五字因上施因令人先之楚言曰魏王令犀首之齊此

惠施之楚鈞二子者將測交也言因待彼之輕重而

楚重測交之厚薄也施欲故然楚王聞之因郊迎惠施

考異 坊本無乘數鈞三字鈞二子止聞之八字

田需貴於魏王惠子曰子必善左右今夫楊橫樹之則生倒樹之則生折而樹之又生然使十人樹揚一人拔之則無生揚矣故以十人之眾樹易生之物然而不勝一人者何也樹之難而去之易也今子雖自

樹於王而欲去子者眾則子必危矣夫音扶樹臣庚反易以鼓反去

起呂反○穆文熙曰惠子之言若鄙而實至理所謂善左右者亦自有策非必阿意徇之也可與達者論之

考異 劉本倒作側曾本無眾則之則字

田需死昭魚謂蘇代曰田需死吾恐張儀薛公犀首

之有一人相魏者相息亮反下皆同代曰然則相者

以誰而君便之也昭魚曰吾欲太子之自相也代曰

請為君北見梁王必相之矣昭魚曰奈何代曰君其

為梁王代請說君為君之為于偽反說始銳反○假

辭也昭魚曰奈何對曰代也從楚來昭魚甚憂代曰

後形同

君何憂。曰：田需死，吾恐張儀、薛公、犀首有一人相魏者。代曰：勿憂也。梁王長主也，必不相張儀。張儀相魏，必右秦而左魏。薛公相魏，必右齊而左魏。犀首相魏，必右韓而左魏。梁王長主也，必不使相也。長主，謂才德優長之

主也，右左猶先後也。王曰：然則寡人孰相？此八字，鮑彪以史記補之，今姑從之。代曰：莫如太子之自相。是三人皆以太子為非固相也。皆將務以其國事魏而欲丞相之璽。固久也，言三人皆以其國事魏而欲代太子為相也。吳師道曰：秦武王初置丞相，用樛里子甘茂。在張儀死後，此云丞相璽，則魏已有此名。以魏之強而持三萬乘之國輔之，魏必安矣。故曰：不如太子之自相也。乘繩證反。說辭止于此。遂北見梁王，以此

語告之。太子果自相。

考異

一本無者以二字，高本坊本君其作若其。今從一本，坊本皆以作不以，一本無持字。

周最善齊，翟強善楚。二子者欲傷張儀於魏。蓋儀相魏時也。

張子聞之，因使其人為見者。番夫聞見者，因無敢傷

張子。見賢遍反，聞古莧反。○吳師道曰：見者，謂引見傳命之臣。番夫，小臣之名。愚謂見者，蓋最強所

因以傷儀者，而儀使己臣為其番夫，聞中伺之，故無敢傷儀也。

考異

高本間作聞。

周最入齊，秦王怒，令姚賈讓魏王。今力呈反。○按東周策曰：謂周最曰：

魏王貴合於秦，以伐齊，是魏欲與秦伐齊，而今周最自魏入齊，秦王以為魏令最結好於齊，故怒讓之也。

魏王為之謂秦王曰：魏之所以為王通天下者，以周

最也。今最道寡人入齊。齊無通於天下矣。敝邑之事王亦無齊累矣。大國欲急兵則趣趙而已。為之為于偽及趣

音促。○為王疑為主訛言魏之所以下以為從主通中交於諸侯者以主從約也。今最道魏入齊則齊魏交絕。諸侯知齊魏交絕則必不從矣。齊無通交於諸侯矣。魏之事秦亦無齊累矣。若秦欲急伐齊則趣趙而已。魏固不侯命矣。按東周策曰秦知趙之難與齊戰也故曰趣趙。

秦召魏相信安君信安君不欲往。相息亮及下同。○按下文秦欲召信

安而別置相故不欲往。蘇代為說秦王曰臣聞之忠不必當當

不必忠。今臣願為大王陳臣之愚意恐其不忠於下

吏自使有要領之罪願大王察之。為于偽及下為其自為同說始銳反

要腰同。○當謂當於心也。下吏不斥言王也。謂不為王所忠也。要領之罪謂斬刑也。今大王令

人執事於魏以完其交。臣恐魏交之益疑也將以塞

趙也。臣又恐趙之益勁也。○令力呈反下同塞先北反也。塞趙謂令魏不通趙也。○執事謂執行政事即相

益勁謂趙交魏益堅也。夫魏王之愛習魏信也甚

矣。其智能而任用之也厚矣。其畏惡嚴尊秦也明矣。

今王之使人入魏而不用則王之使人入魏無益也。

若用魏必舍所愛習而用所畏惡。此魏王之所不安

也。夫舍萬乘之事而退此魏信之所難行也。夫令人

之君處所不安令人之相行所不能以此為親則難

久矣。臣故恐魏交之益疑也。夫音扶惡烏路反舍音捨下同乘繩證反難行

之難乃且反下構難同處昌呂反下同。○鮑彪曰魏信即信安省言之愚謂智能謂魏王以信安為智能

也使人即令執事之人也舍萬乘之事而退謂去相位也且魏信舍事則趙之謀

者必曰舍於秦秦必令其所愛信者用趙是趙存而

我亡也趙安而我危也則上有野戰之氣下有堅守

之心臣故恐趙之益勁也舍事即舍萬乘之事而退也謀者謂用事者舍於之

舍疑當作合我謀者自我也上下猶進退也以上言召信安之不可大王欲完魏之交

而使趙小心乎不如用魏信而尊之以名魏信事王

國安而名尊離王國危而權輕然則魏信之事王也

上所以為其主者忠矣下所以自為者厚矣彼其事

王必完矣離力智反○尊之以名謂秦以信安為己之用而相魏也趙之用事者

必曰魏氏之名族不高於我土地之實不厚於我魏

信以魏事秦秦甚善之國得安焉身得尊焉今我構

難於秦兵為招質國處削危之形非得計也結怨於

外主患於中身處死亡之地非完事也彼將傷其前

事而悔其過行冀其利必多割地以深下王則是大

王垂拱多割地以為利重堯舜之所求而不能得也

行下孟及下遐嫁反○招質皆的也房玄齡管子注云招者的也所以招射者也桓子策曰為智氏質乎是也言秦兵獨伐趙猶矢集臣願大王察之言廢信也以上言用信安之有益安與用

之利害王當察之

考異

坊本當並作黨高本下不必作必不願下無為字一本信也之也作亦曾本今王作令王

高本之所下有以字坊本則趙作則魏趙安作趙亡高本事王作事主以魏間有韓字坊本主患作

生患其過作過其高本拱多作拱之

樓辭約秦魏魏太子為質

姚宏曰管子七臣七主篇云事無常而法令申不辭

則失國勢注辭古伍字謂偶合也言雖申布法令於事不合也字書無之愚按朱大復管子評云辭與寤同質音致○約二國之

和魏太子為質於秦也紛彊欲敗之謂太后曰國與

還者也敗秦而利魏魏必負之負秦之日太子為糞

矣○還反也負背也為糞猶言化為糞壤諱言其死也言魏背秦則秦必殺魏太子所謂還

也太后坐而王泣王因疑於太子令之留於酸棗樓

子患之令力呈反○關君長曰王泣猶為王泣昭行

為周之梁樓子告之昭行見梁王梁王曰何聞曰聞

秦且伐魏王曰為期與我約矣為期與我約猶言為

與我約和之期也王以為秦必不伐曰秦疑於王之約以太子之留酸

棗而不之秦秦王之計曰魏不與我約必攻我我與

其處而待之見攻不如先伐之處猶坐也○以秦強

折節而下與國臣恐其害於東周下退嫁反○言下秦

誘曰昭行不欲正言害魏也故詭言恐害東周也秦來伐必徑東周故也

考異
坊本部作梧而王作王而

秦楚攻魏圍皮氏皮氏魏邑為魏謂楚王曰秦楚勝魏魏

王之恐也見亡矣必合於秦為于偽反下同恐丘勇

曰後章曰魏王之懼也見亡文意正同愚謂以有亡形而懼而合於秦也王何不背秦而

與魏王魏王喜必內太子秦恐失楚必効城地於王

後周園莊

王雖復與之攻魏可也。背音佩，下同。內音納，下同。復扶又反，下同。○內太子以

子為質也。楚王曰：善。乃背秦而與魏。魏內太子於楚。秦恐

許楚城地，欲與之復攻魏。欲上疑脫楚字。擣里疾怒，欲與魏

攻楚。恐魏之以太子在楚不肯也。怒，楚反覆也。為疾謂楚

王曰：外臣疾使臣謁之，曰：敝邑之王欲効城地而為

魏太子之尚在楚也。是以未敢。王出魏質，臣請効之。

而復固秦楚之交，以疾攻魏。質音致。○疾攻急攻也。楚王曰：諾。

乃出魏太子。秦因合魏以攻楚。

考異

坊本楚攻下無魏字，之恐下無也字，矣作也，高本合作舍。

魏太子在楚，謂樓子於鄢陵曰：公必且待齊楚之合

也，以救皮氏。今齊楚之理必不合矣。鄢陵魏地皮氏見上言二國於

理不合下文所言即是也。彼翟子之所惡於國者，無公矣。其人皆

欲合齊秦外楚，以輕公公。公必謂齊王曰：魏之受兵非

秦實首伐之也。楚惡魏之事王也。故勸秦攻魏。惡鳥路反。

下同。○無公猶言無如公也。趙策大亂君臣之義者無此矣。其人謂翟子之徒也。公必之公衍字。是翟子

之徒告齊王之辭。齊王故欲伐楚，而又怒其不已，善也。必合

魏以地聽秦而為和。故固通令力呈反。○不已善即謂楚惡魏之事王也。是齊楚所

以不谷也。以張子之強，有秦韓之重，齊王惡之，而魏王不

敢據也。今以齊秦之重，外楚以輕公，臣為公患之。為干

偽反，下為公同。○關君長曰：往日齊惟一國，而今魏不敢據張儀也。今以二國之重，疎外其所因之楚。

以輕庫則王不敢據也鈞之出地以為和於秦也豈若由楚乎言出地以和秦由齊由楚亦皆同無若由楚而和秦疾攻楚楚還兵魏王必

懼公因寄汾北以予秦而為和合親以孤齊秦楚重

公公必為相矣還音旋予音與相息亮反疾急還轉也言楚轉兵與秦合攻魏魏王必

懼因其懼寄汾北於楚以予秦而和是由楚為和也汾北魏地合親謂秦楚魏合親也臣意秦

王與樗里疾之欲之也臣請為公說之說始銳反意意度也

乃謂樗里子曰攻皮氏此王之首事也而不能拔天

下且以此輕秦且有皮氏於以攻韓魏利也首事謂雖秦楚

同攻皮氏而秦為中之首兵樗里子曰吾已合魏矣無所用之言無用攻

皮氏對曰臣願以鄙心意公公無以為罪有皮氏國之

大利也而以與魏公終自以為不能守也故以與魏

今公之力有餘守之何故而弗有也與魏謂未拔而解兵樗里

子曰奈何曰魏王之所恃者齊楚也所用者樓庫翟

強也今齊王謂魏王曰欲講攻於齊主兵之辭也是

弗救矣楚王怒於魏之不用樓子而使翟強為和也

怨顏已絕之矣魏王之懼也見亡欲講攻於齊言欲和秦與攻之皆由

齊之所令齊王之言如是是主兵之辭也惟主兵而已不救其難也怨顏怨見於顏色也齊不救楚絕交

魏有亡形故王懼也翟強欲合齊秦外楚以輕樓庫樓庫欲合

秦楚外齊以輕翟強公不如按魏之和使人謂樓子

曰子能以汾北與我乎請合於楚外齊以重公也此

吾事也。樓子與楚王必疾矣。按控也。謂不急和也。此吾事也。猶言此吾任也。

疾言應也。速也。又謂翟子。子能以汾北與我乎。必為合於齊。

外楚以重公也。翟強與齊王必疾矣。是公外得齊楚

以為用。內得樓庫翟強以為佐。何故不能有地於河

東乎。言必得也。

考異

坊本謂樓作爲樓。無楚還之楚字。寄作割。國之下有所字。曾本今公作今。攻庫高本作廩。

坊本作廩。並字書無。韓策作鼻。字彙引策作廩。鼻同。今從之。高本主兵作王兵。坊本救矣作救也。曾

本按作親。高本必為作。必不齊。外下有於字。

獻書秦王曰。臣竊聞大王之謀出事於梁。謀恐不出於計矣。願大王之熟計之也。事如有事於顯史之事。謂攻伐也。不出於計。謂

不出於王計慮。故云。熟計之。以攻梁為不可也。梁者山東之要也。有蛇於此

擊其尾。其首救。擊其首。其尾救。擊其中身。首尾俱救。

今梁者天下之中身也。夫秦攻梁者。是示天下要。斷

山東之脊也。是山東首尾皆救。中身之時也。山東見

亡必恐。恐必大合。山東尚強。臣見秦之必大憂。可立

而待也。要腰同。夫音扶。斷音短。恐丘勇反。○蛇。孫子所謂率然也。示疑當作刺。下下疑脫之字。秦

策曰。斷齊秦之要。絕楚魏之脊。文意正同。天下山東互言之也。要。人身上下之中。脊。左右之中。亦互言之也。見亡必恐。言諸侯見魏有亡形。則必恐及邑也。必大憂。疑當作大憂。必。臣竊為大王計。

不如南出事於南方。其兵弱。天下必能救。地可廣。國

可富。兵可強。主可尊。為于偽反。○南方。謂楚也。王不吳師道曰。必恐當作不。

聞湯之伐桀乎。試之弱密須氏。以為武教。得密須氏。而湯之服桀矣。試用謂用兵也。吳師道曰。密姑。姓國。史周紀。西伯伐密須。詩所謂密人。不

恭者也。此誤以為湯。關君長曰。之。字婉句。言得弱而後能服強也。今秦國與山東為

讎。不先以弱為武教。兵必大挫。國必大憂。以弱言。以伐弱楚也。

秦果南攻藍田鄢郢。鮑彪曰。藍田。秦地。疑衍文。

考異高本曰。臣作曰。昔。今梁者作。今梁王。坊本中。身作春。一。字。高本無。夫。字。坊本弱。天下下有。不。字。高本坊本廣。下有。大。字。今從。曾。本。坊本湯之作。湯。知。秦。國。作。秦。欲。

魏秦伐楚。魏王不欲。樓緩謂魏王曰。王不與秦攻楚。

楚且與秦攻王。王不如合秦楚戰。王交制之也。今力。呈。反。

考異高本連。樓。疾。攻。大。梁。章。劉。本。魏。秦。作。秦。魏。一。本。與。作。如。今。二。字。坊。本。無。也。字。

戰國策正解卷七下

戰國策正解卷七下

橫田惟孝著

魏下

昭王凡十。五。章。

秦敗東周。與魏戰於伊闕。殺犀武。魏令公孫衍乘勝

而留於境。請界辭割地。以講於秦。敗。必。邁。反。下。同。令。力。呈。反。下。同。此。

疑倒錯。當作。乘。勝。而。留。於。境。魏。令。公。孫。衍。界。辭。割。地。以。請。講。於。秦。秦。兵。留。於。境。將。復。伐。魏。故。魏。恐。割。地。以。

請。和。為竇屢謂魏王曰。臣不知行之所以聽於秦之

少多。然而臣能半行之割。而令秦講於王。為。于。偽。反。聽。許。也。

謂。許。割。地。於。秦。王曰。奈何。對曰。王不若與竇屢關內侯。而令

戰國策正解 卷七下 後影刻

趙王重其行而厚奉之。因揚言曰：聞周魏合竇屢以割魏於奉陽君而聽秦矣。

關君長曰：言魏令趙王重蓋使秦知趙重竇屢之行，因揚言，愚謂割魏於奉陽君言使李克割魏地，即下文制割是也。吳師道曰：關

內侯之稱，不獨起於秦。夫周君竇屢奉陽君之與穰侯，質首之仇也。今行和者，竇屢也。制割者，奉陽君也。太后恐其

不因穰侯也，而欲敗之，必以少割請合於王，而和於東周與魏也。

夫音扶。關君長曰：以此易彼，謂之質。抱布買絲是也。言相仇之深，欲質其首而死，愚謂太后穰侯之奸也。請合於王，謂太后以合周魏請秦王也。

考異 坊本而令下有之，字以割作已割。

秦趙約而伐魏，魏王患之。己卯曰：王勿憂也。臣請發

張倚，使謂趙王曰：夫鄴，寡人固刑弗有也。今大王收

秦而攻魏，寡人請以鄴事大王。

夫音扶。固刑疑倒，不能守也。燕策曰：雖得燕城，秦計固不能守也。以鄴事大王，言以鄴致趙事之。趙王喜，召相

國而命之曰：魏王請以鄴事寡人，使寡人絕秦相國

曰：收秦攻魏，利不過鄴。今不用兵而得鄴，請許魏。

亮反。利不過鄴，言戰勝之利，不過得鄴。張倚因謂趙王曰：敝邑之吏效

城者，已在鄴矣。大王且何以報魏？趙王因令閉關絕

秦。秦趙大惡。

令力呈反。惡。謂二國之交惡。己卯，應趙使曰：敝邑所以事大王者，為完鄴也。今效鄴者，使者之罪也。卯不

知也。

使所吏反。為于偽反。趙王恐魏承秦之怒，遽割五城以合

於魏而支秦。關君長曰承猶續也言秦怒趙之絕好今又惡魏則魏亦續秦以怒趙也

考異坊本趙約作約趙刑作形一本無趙王喜之趙字曾本劉本鄴事寡之鄴作國坊本效並

效作

芑卯謂秦王曰王之士未有為之中者也臣聞明王

不背中而行。背音佩○中謂居諸侯之中而計者王之所欲於魏者長

平王屋洛林之地也王能使臣為魏之司徒則臣能

使魏獻之秦王曰善因任之以為魏之司徒。任音任○任保

任也為魏之司徒所謂中也謂魏王曰王所患者上地也秦之所

欲於魏者長平王屋洛林之地也王獻之秦則上地

無憂患因請以下兵東擊齊壤地必遠矣魏王曰善

因獻之秦。上地上黨之地說見楚策上黨韓魏兩屬趙策秦盡韓魏之上黨是也地入

數月而秦兵不下魏王謂芑卯曰地入已數月而秦

兵不下何也芑卯曰臣有死罪雖然臣死則契折於

秦王無以責秦王因赦其罪臣為王責約於秦。數色主反

為于偽反○契券也折毀也券毀謂無微乃之秦謂秦王曰魏之所以獻

長平王屋洛林之地者有意欲以下大王之兵東擊

齊也今地已入而秦兵不可下臣則死人也雖然後

山東之士無以利事王者矣秦王懼然曰國有事未

澹下兵也今以兵從。懼遠視也澹贍通給也後十日秦兵下芑

卯并將秦魏之兵以東擊齊啓地二十二縣。并音併將于匠

戰國策正解 卷七下 三 後形國戰

考異 高本平並作羊坊本任下無之字一本必

蘇代拘於魏欲走而之齊魏氏閉關而不通燕策曰蘇代過

陽君而秦不受也夫秦非不利有齊而得宋也然

其所以不受者不信齊王與蘇代也今秦見齊魏之

不合也如此其甚也則齊必不欺秦而秦信齊矣齊

秦合而涇陽君有宋地則非魏之利也為于偽反夫音扶下同

有齊謂得齊交也齊善代而魏拘之是不合之甚也

唐順之曰魏邊宋秦得宋則日有侵虞故曰非魏之

利故王不如復東蘇代秦必疑齊而不聽也夫齊秦

不合天下無憂伐齊成則地廣矣復扶又反○東謂使東之齊也燕策

考異 高本之齊下有韓字坊本

五國伐秦無功而還成臯之役見趙策其後齊欲伐宋而秦

禁之齊合宋郭之秦請合而以伐宋秦王許之魏王

畏齊秦之合也欲講於秦令力呈下同謂魏王曰秦王謂

宋郭曰分宋之城服宋之強者大國也乘宋之敝而

與王爭得者楚魏也請為王毋禁楚之伐魏也而王

獨舉宋王之伐宋也請剛柔而皆用之如宋者欺之

不為逆殺之不為讎者也王無與之講以取地既已

得地矣。又以力攻之。期於啗宋而已矣。為王之為于

為足為之同。○大國及王皆指齊也。毋禁楚之伐魏者。二國構難。則不能與齊爭宋也。剛柔而皆用之。言

不論宋強弱而皆伐之也。不為逆不為讎。謂宋弱小不能逆。離齊也。啗食也。謂吞滅也。臣聞此

言而竊為王悲。秦必且用此於王矣。又必且劫王以

求地。既已得地。又且以力攻王。又必謂王使王輕齊。

齊魏之交已醜。又且收齊以更索於王。秦嘗用此於

楚矣。又嘗用此於韓矣。願王之深計之也。秦善魏不

可知也。已。索所白反。○言秦善魏而情偽難知。不可以信也。故為王計。太上

伐秦。其次賓秦。其次堅約而詳講。與國無相讎也。秦

齊合國不可為也。已。王其聽臣也。必無與講。實擯通下同。詳

佯通。○堅約而詳講。謂下堅從約。而佯與秦和。趙策所謂不得已而必構。則願五國復從約是也。不可為。謂不可何如也。無與講。謂無與秦和也。秦權重魏。魏冉明孰是故。又為足

下傷秦者。不敢顯也。重魏。謂重於魏也。或魏字衍。開君長曰。傷猶害也。言容又為魏

王害秦者。恐魏冉覺之。不敢顯其事也。此止重也。言容不為魏。而自為計也。天下可令伐

秦。則陰勸而弗敢圖也。見天下之傷秦也。則先鬻與

國。而以自解也。天下可令賓秦。則為劫於與國。而不

得已者。天下不可。則先去。而以秦為上交。以自重也。

如是人者。鬻王以為資者也。而焉能免國於患。焉於

○陰勸而弗敢圖。所謂不敢顯也。不可謂不可。伐且實也。去去與國也。下文今足下鬻之以合於秦九字。

疑當在而焉間。鬻之謂為之所鬻也。言如是人者。鬻王以為自解自重之資者也。而今王為客所鬻。以合

戰國策卷之二十一

後周園雍

於秦焉能免國於患。免國於患者，必窮三節而行其上。上不可

則行其中，中不可則行其下。下不可則明不與秦兩

生以殘秦，使秦皆無百怨百利，惟己之曾安。今足下

鬻之以合於秦，是免國於患者之計也。臣何足以當

之。雖然，願足下之論臣之計也。曾音增。○三節即上文太上其次三節也。

兵師道曰：不能伐，不能擯，又不能構，必為秦所伐，則誓鬪而必死，不與秦俱生以殘秦，愚謂惟己之曾安。

謂下惟安己國而已，不敢出兵也。今足下以燕齊讎國，下九字錯簡，說見上。論謂論議計之當否。

也。秦兄弟之交也，合讎國以伐婚姻，臣為之苦矣。謂之兄弟，蘇秦曰：今燕雖弱，小即秦王之少婿也。是秦燕婚姻之國也。言燕於齊讎國，於秦兄弟也。黃

帝戰於涿鹿之野，而西戎之兵不至，禹攻三苗而東

夷之民不赴，以燕齊伐秦，黃帝之所難也。而臣以致

燕甲而起齊兵矣。難乃且反。○言合讎國以伐婚姻，

也。苦臣又徧事三晉之吏，奉陽君孟嘗君韓眠，周最韓

餘為徒從而下之。下退嫁反。○餘為，複名。下文可以

鮑彪以為與為徒交，非矣。陸樹聲曰：下猶折節下士之下。恐其伐秦之疑也。又身

自醜於秦，扮之。醜猶羞也。扮疑當作紛，言恐奉陽之

約故挺身敢為如下文。請焚天下之秦符者，臣也。次傳焚符之

約者，臣也。次使五國約閉秦關者，臣也。天下之秦符，謂秦符在諸

侯者，閉秦關謂不與秦通。奉陽君韓餘為既和矣。蘇脩朱嬰既皆

陰在邯鄲，臣又說齊王而往敗之。天下共講，因使蘇

戰國策正解

脩游天下之語而以齊為上交兵請伐魏臣又爭之
以死而果西因蘇脩重報臣非不知秦權之重也然
而所以為之者為足下也說始銳反敗必邁反爭音

和既同於伐秦也蘇脩朱嬰亦三晉之吏皆既在邯鄲議伐秦也往敗之謂之秦敗宋郭合秦之約游字未詳恐當作要蓋謂要諸侯盟約之語兵疑齊訛謂齊請伐魏於秦也果決也言下以死爭齊王而決不伐魏鮑彪曰脩在邯鄲齊之西也報以齊不伐魏

考異

高本坊本並大國作六國今從一本坊本母禁作無禁高本逆下有者字曾本不為讎作而無讎坊本得地下無矣字悲作患高本且劫作且曰坊本更索作東索又為作有謂高本坊本並兩生作而生今從一本一本惟已作惟亡坊本今足下作無令天下論作聽高本以燕下無齊字坊本臣以作臣已高本編作偏坊本氓作氓周最下有周字高本次使之次作欲坊本脩作修朱嬰下

無既字高本秦權作秦勸

葉陽君約魏魏王將封其子

葉舒涉反○吳師道曰葉即奉之訛李兌也愚

按趙策亦有此事吳說謂魏王曰王嘗身濟漳朝邯鄲

抱葛薛陰成以為趙養邑而趙無為王有也王乃又

封其子河陽姑密乎臣為王不取也魏王乃止

朝直遙反

養羊尚反為王之為于偽反○抱猶奉持也養邑供養之邑有謂為援助也

考異

薛高本本作薛坊本作孽今從曾本高本坊本並王乃作王能今從一本曾本姑作菟

秦使趙攻魏魏謂趙王曰攻魏者亡趙之始也昔者
晉人欲亡虞而先伐虢伐虢者亡虞之始也故荀息
以馬與璧假道於虞宮之寄諫而不聽卒假晉道晉

人伐虢。反而取虞。故春秋書之。以罪虞公。卒子律反。○反還也。

春秋僖五年曰。晉人執虞公。杜預曰。虞公貪璧馬之寶。距絕忠諫。稱久以執。同於無道於其民之例。所以罪虞也。

今國莫強於趙。而并齊。秦王賢。而有聲者相之。

所以為心腹之疾者。趙也。并音併。相息亮反。○并猶谷也。聲名望也。言趙強而

又合齊。而秦君臣賢。故知趙為心腹之疾。而欲亡之。魏者。趙之虢也。趙者。魏之

虞也。聽秦而攻魏者。虞之為也。願王之熟計之也。

考異高本無先字。坊本取作收。高本心腹作腹心。

秦將伐魏。魏王聞之。夜見孟嘗君。告之曰。秦且攻魏。

子為寡人謀奈何。孟嘗君曰。有諸侯之救。則國可存。

也。王曰。寡人願子之行也。重為之約。車百乘。孟嘗君

之趙。謂趙王曰。文願借兵以救魏。趙王曰。寡人不能。

孟嘗君曰。夫敢借兵者。以忠王也。王曰。可得聞乎。孟

嘗君曰。夫趙之兵。非能強於魏之兵。魏之兵。非能弱

於趙也。然而趙之地不歲危。而民不歲死。而魏之地

歲危。而民歲死者。何也。以其西為趙蔽也。今趙不救

魏。魏軟盟於秦。是趙與強秦為界也。地亦且歲危。民

亦且歲死矣。此文之所以忠於大王也。趙王許諾。為

起兵十萬車三百乘。為寡重為為起之為于偽反。下同。乘繩證反。下同。夫音扶。下同。

○西為趙蔽。謂魏在趙西。為之隱蔽。軟。獸血也。趙與強秦為界。言魏合於秦。則趙與秦接界。其地與民歲

危且死。又北見燕王曰。先日公子嘗約兩王之交矣。

今秦且攻魏。願大王之救之。關君長曰：恐行日字，文稱其父，當曰先公子。

燕王曰：吾歲不熟二年矣。今又行數千里而助魏。

且奈何？田文曰：夫行數千里而救人者，此國之利也。

今魏王出國門而望見軍，雖欲行數千里而助人，可

得乎？數色主及下同。○國見伐，故出國門而望見敵軍。燕王尚未許也。田文

曰：臣効便計於王，王不用臣之忠計，臣請行矣。恐天

下之將有大變也。王曰：大變可得聞乎？曰：秦攻魏，未

能克之也。而臺已燔，游已奪矣。而燕不救魏，魏王折

節割地以國之半與秦，秦必去矣。游，游觀之所，或游圍音近而誤也。臺

燔，游奪言秦軍入國之深也。秦已去魏，魏王悉韓魏之兵，又西借

秦兵，以因趙之衆，以四國攻燕，王且何利？利行數千

里而助人乎？利出燕南門而望見軍乎？則道里近而

輸又易矣。王何利也？易以政反。○何猶孰也。輸送軍糧也。四國來伐，燕出兵拒之，故曰道

近輸易，以及下燕王言行數千里而助魏也。燕王曰：子行矣。寡人聽子，乃為

之起兵八萬車二百乘，以從田文。魏王大說，曰：君得

燕趙之兵，甚衆且亟矣。秦王大恐，割地請講於魏，因

歸燕趙之兵而封田文。從才用反，說音悅，恐丘勇反。

考異 曾本無非能之能字，坊本兩王作兩主，臣請作文，請曾本王何利下添半字，坊本二百作

三百於魏下，一本添魏字。

穰侯攻大梁，乘北邳，魏王且從。邳，疑郭若郊之訛，乘周人乘黎之乘，勝也。

從順也。謂穰侯曰：君攻楚，得宛穰以廣陶，攻齊，得剛博以廣陶，得許鄆陵以廣陶，秦王不問者，何也？以大梁之未亡也。今日大梁亡，許鄆陵必議，議則君必窮，為君計者，勿攻便。為于偽反。○陶，穰侯之邑。許鄆陵，魏地。關君長曰：齊楚不亡，獨梁亡，則秦以并其地，乃以冉得許鄆陵，必有駁議，愚謂此客為魏王說也。

考異

高本連魏秦伐楚章坊本北郢作郢北得許上吳補攻魏二字

白珪謂新城君曰：夜行者能無為姦，不能禁狗使無吠已也。故臣能無議君於王，不能禁人議臣於君也。

秦策段產語同說見彼

考異

劉本珪作圭坊本姦作奸劉本能無作能不坊本人議下無臣字

秦攻韓之管，魏王發兵救之。昭忌曰：夫秦強國也，而韓魏壤秦，不出攻則已，若出攻，非於韓也，必魏也。今幸而於韓，此魏之福也。王若救之，夫解攻者，必韓之管也。致攻者，必魏之梁也。夫音扶。○韓魏壤秦，二國壤地與秦相接，解猶免也。魏王不聽曰：若不救韓，韓怨魏，西合於秦，秦韓為一，則魏危，遂救之。秦果釋管而攻魏，魏王大恐，謂昭忌曰：不用子之計，而禍至，為之奈何？昭忌乃為之見秦王曰：臣聞明主之聽也，不以挾私為政，是參行也。願大王無攻魏，聽臣也。恐丘勇反，為之為于偽反，下為王同。○關君長曰：為政若疇昔之羊，子為政之為政。秦王曰：何也？昭忌曰：山東之從時

合時離何也哉。秦王曰：不識也。曰：天下之合也，以王之不必也。其離也，以王之必也。今攻韓之管，國危矣。未卒而移兵於梁，合天下之從，無精於此者矣。以為秦之求索，必不可支也。從子容反，下同。率子律反，索所白反。○精猶甚也。支猶止也。故為王計者，不如制趙。秦已制趙，則燕不敢不事。

秦荆齊不能獨從天下，爭敵於秦，則弱矣。秦王乃止。關君長曰：韓魏方被秦攻，趙已見制，燕亦事秦。六國猶有齊楚，是以不能合天下之從。齊楚並無與國之援，而爭敵於秦，則齊與楚兵皆弱矣。

考異

高本壤，秦之秦作梁。坊本必魏，間有於字。曾本而於間添歸字。高本坊本並若不下有因字。今從劉本。坊本何也。下無哉字。之合下無也字。高本如制之制作齊。坊本荆齊之齊作濟。

芮宋欲絕秦趙之交，故令魏氏收秦太后之養地。力令

呈反。養羊尚反。下同。○芮宋，魏人也。張洲曰：太后養地，蓋魏地，而割以奉秦者，故收之以激怒秦。秦

王怒，芮宋謂秦王曰：魏委國於王，而王不受，故委國

於趙也。關君長曰：委國於王，猶言以國聽王，不受，言秦不親魏。李郝謂臣曰：子

言無秦而養秦太后以地，是欺我也。故敝邑收之。秦

王怒，遂絕趙也。李郝，趙人也。無秦言不與秦通好。

考異

坊本無章末之也字。

為魏謂楚王曰：索攻魏於秦，秦必不聽王矣。是智困於秦而交疏於魏也。楚魏有怨，則秦重矣。故王不如順天下，遂伐齊，與魏便地，兵不傷，交不變，所欲必得。

矣。為于偽反、索所白反、疏疎通、○蓋諸侯欲與楚伐齊、故曰、順天下、遂伐齊、與魏、便地、謂勝齊得地、以與魏之所便也、不攻魏而與地、故兵不傷、交不變、楚魏交合、則秦不重矣、勝齊則楚重矣、故曰、所欲必得矣。

管鼻之令翟強與秦事。與音預、○令疑當作與、事、使事、而重鼻輕強、故強不欲使、蓋魏王令二人與秦使秦、客為強說魏王如下文也、謂魏王曰、鼻之與強猶

晉人之與楚人也。晉人見楚人之急帶劍而緩之楚人、惡其緩而急之。惡烏路反、○言二人性行相反、今若晉人楚人帶劍緩急不同、今

鼻之入秦之傳舍、舍不足以舍之、強之入無蔽於秦者、強王貴臣也、而秦若此其甚安可。傳直戀反、○舍不足以舍之、言守衛之盛、舍不能容、無蔽、謂無守衛者、甚、謂秦輕強之甚、蓋一人之秦、行裝大異、故秦之待

之如、是也、言二人性行既相反、輕重又不均、必敗事也。

考異 坊本藏 作蘇

成陽君欲以韓魏聽秦。魏王弗利。白圭謂魏王曰。王

不如陰使人說成陽君。曰。君入秦。秦必留君。而以多

割於韓矣。韓不聽。秦必留君。而伐韓矣。故君不如安

行求質於秦。成陽君必不入秦。秦韓不敢合。則王重

矣。說始銳反、質音致、○關君長曰、徐行不進、求質于於秦、以示將得質而後行、然事必不成、成陽必不

入秦、碣哲夫曰、安按誤、言止其行而不發、亦通、

考異 坊本圭作 珪、無敢字、

安釐王 凡二十 二章

秦敗魏於華走芒卯而圍大梁敗必邁反華胡化須

賈為魏謂穰侯曰臣聞魏氏大臣父兄皆謂魏王曰

初時惠王伐趙戰勝乎三梁十萬之軍拔邯鄲趙氏

不割而邯戰復歸為于偽反下為陰同復扶又齊人

攻燕殺子之破故國燕不割而燕國復歸故國猶舊

所都也昭王立而徙都故曰故國燕趙之所以國全兵勁而地不并

乎諸侯者以其能忍難而重出地也宋中山數伐數

割而隨以亡臣以為燕趙可法而宋中山可無為也

并音併難乃且反重直用反數色夫秦貪戾之國而

無親蠶食魏盡晉國戰勝宰子割八縣地未畢入而

兵復出矣夫秦何厭之有哉夫音扶下同厭音廢○宰子蓋

亦魏將也今又走芒卯入北地此非但攻梁也且劫王以

多割也王必勿聽也鮑彪曰北地梁之北非郡今王循楚趙而講

楚趙怒而與王爭事秦秦必受之秦挾楚趙之兵以

復攻則國救亡不可得也已願王之必無講也王若

欲講必少割而有質不然必欺質音致○循當作倍

言背二國之約下文楚趙怒於魏之先已講也必爭

然必為秦所欺以是臣之所聞於魏也願君之以是

慮事也此臣賈自謂也君指穰侯周書曰維命不于常此言幸之

不可數也夫戰勝宰子而割八縣此非兵力之精非

計之工也。天幸為多矣。今又走芒卯入北地以攻大梁。是以天幸自為常也。智者不然。周書康誥之篇臣聞魏氏悉其百縣勝兵以止戍大梁。臣以為不下三十萬以三十萬之眾守十仞之城。臣以為雖湯武復生弗易攻也。勝音升。易以攻反。關君長曰。勝兵蓋丁男勇力能勝於人者。止謂止而不遷。夫輕信楚趙之兵。陵十仞之城。戴三十萬之眾。而志必舉之。臣以為自天下之始分。以至於今。未嘗有之也。攻而不能拔。秦兵必罷。陰必亡。則前功必棄矣。輕遣政反。罷音疲。○信當作倍。史記作背。亦可以證矣。楚趙救兵在後。故曰倍。三十萬之眾在十仞之上。故曰戴。下當作地。史記作地。陰即陶。今魏方疑。可以少割收也。願君之及

楚趙之兵未任於大梁也。亟以少割收魏。魏方疑而

得以少割為和。必欲之。則君得所欲矣。魏方疑。謂魏王方疑。大臣

之言。任當作至。史記作至。所欲。謂所欲之地。楚趙怒於魏之先已講也。必

爭事秦。從是以散。而君後擇焉。從子容反。先已講。謂先二國救兵未至。

而與秦講。君後當作後。君擇謂擇所與也。且君之嘗割晉國取地也。何必

以兵哉。夫兵不用。而魏效絳安邑。又為陰啓兩機。盡

故宋。衛効无憚。秦兵已令。而君制之。何求而不得。何

為而不成。臣願君之熟計。而無行危也。穰侯曰。善。乃

罷梁圍。史記兩下有道字。此恐脫落。司馬貞曰。魏效

河東之兩道。愚謂秦既得地。而再又為陰啓兩道。故曰又。今當作全。史記作全。言以機會盡得故宋之地。

衛必効尤憚是秦兵已全而再為其制如是則求無不得為無不成矣行危謂圍大梁也

考異

坊本趙戰下無勝字舉作畢曾本縣作姓坊本無收魏之魏字坊本可得下無也字工作攻亡則下無前字高本令作合無作母

秦敗魏於華魏王且入朝於秦敗必邁及華胡化周及朝直遙及下同

訖謂王曰宋人有學者三年反而名其母其母曰子

學三年反而名我者何也其子曰吾所賢者無過堯

舜堯舜名吾所大者無大天地天地名今母賢不過

堯舜母大不過天地是以名母也其母曰子之於學

者將盡行之乎願子之有以易名母也子之於學也

將有所不行乎願子之且以名母為後也今王之事

秦尚有可以易入朝者乎願王之有以易之而以入

朝為後盡津忍反○有以易名母謂有他稱易名母以名母為後謂後名母而不為也魏王

曰子患寡人入而不出邪許綰為我祝曰入而不出

請殉寡人以頭邪音耶下同為于偽反下為王為秦為魏自為同祝之又反○從葬曰殉

周訖對曰如臣之賤也今人有謂臣曰入不測之淵

而必出不出請以一鼠首為汝殉者臣必不為也今

秦不可知之國也猶不測之淵也而許綰之首猶鼠

首也內王於不可知之秦而殉王以鼠首臣竊為王

不取也且無梁孰與無河內急王曰梁急無梁孰與

無身急王曰身急曰以三者身上也河內其下也秦

未索其下。而王効其上。可乎。王尚未聽也。內王之內音納下同

索所反支期曰。王視楚王。楚王入秦。王以三乘先之。楚

王不入。楚魏為一。尚足以捍秦王。乃止。乘繩證反。關君長曰。視

楚王。視楚王所為而計之也。三乘輕使也。言先楚王未入秦。以輕使急結和於楚。王謂支期

曰。吾始已諾於應侯矣。今不行者。欺之矣。支期曰。王

勿憂也。臣使長信侯請無內王。王待臣也。應於陵反。下同。○言

使長信請於應侯。無內王。支期說於長信侯曰。王命召相國長信

侯曰。王何以臣為。支期曰。臣不知也。王急召君。長信

侯曰。吾內王於秦者。寧以為秦邪。吾以為魏也。支期

曰。君無為魏計。君其自為計。且安死乎。安生乎。安窮

乎。安貴乎。君其先自為計。後為魏計。長信侯曰。樓公

將入矣。臣今從。說始銳反。相息亮反。從才用反。○言將從樓公而全。支期曰。王

急召君。君不行。血濺君襟矣。長信侯行。支期隨其後。

且見王。支期先入。謂王曰。偽病者乎。而見之。臣已恐

之矣。恐丘勇反。○乎疑當作呼。蓋偽病者呼之於病。牀而見之也。恐言君其自為計。血濺君襟矣。

長信侯入見王。王曰。病甚。奈何。吾始已諾於應侯矣。

意雖道死行乎。意抑古通用。說見秦策。言雖死於道路。猶將行。長信侯曰。王

毋行矣。臣能得之於應侯矣。願王無憂。言能使應侯止王之行。

考異坊本訛作訐。不行乎之乎作也。意雖道死。曾本作雖欲道死。劉本作意雖死。又臣作且。高

本下侯矣。無矣字。

臣謂魏王曰魏不以敗之上割可謂善用不勝矣而

秦不以勝之上割可謂不能用勝矣今處期年乃欲

割是羣臣之私而王不知也華胡化反處昌呂反期音暮鮑彪曰上謂當

其時愚謂私謂自為計且夫欲璽者段干子也王因使之割地

欲地者秦也而王因使之授璽夫欲璽者制地而欲

地者制璽其勢必無魏矣夫音扶下同欲璽謂欲得秦封受其璽無魏言魏

地且夫姦臣固皆欲以地事秦譬猶抱薪

而救火也薪不盡則火不止今王之地有盡而秦之

求無窮是薪火之說也魏地不盡則魏王曰善雖然秦之求不止

吾已許秦矣不可以革也革改也對曰王獨不見夫博

者之用梟耶欲食則食欲握則握今君劫於羣臣而

許秦因曰不可革何用智之不若梟也張守節曰博頭有刻為梟

鳥形者擲得梟者合食其子不便則為餘行也愚謂握握基而不行也史記不若下有用字此恐脫落

魏王曰善乃案其行案止也言止段干崇之行而不遣也

考異

高本坊本並華陽作華軍一本作華陽軍今從一本坊本能用作善用高本授作受坊本姦臣作奸人之求作求之案作按

秦魏為與國齊楚約而欲攻魏魏使人求救於秦冠

蓋相望秦救不出冠蓋相望使者往還不絕也魏人有唐且者年

九十餘謂魏王曰老臣請出西說秦令兵先臣出可

乎。魏王曰：敬諾，遂約車而遣之。

說始銳反，令力呈反。○今兵先臣出言，令

秦兵先且未歸而出。

唐且見秦王，秦王曰：丈人芒然，乃遠至此。

甚苦矣。魏來求救數矣，寡人知魏之急矣。

芒然，疲倦之貌。唐

且對曰：大王已知魏之急而救不至者，是大王籌策

之臣無任矣。且夫魏一萬乘之國，稱東藩，受冠帶，祠

春秋者，以為秦之強，足以為與也。今齊楚之兵已在

魏郊矣，大王之救不至，魏急則且割地而約齊楚。王

雖欲救之，豈有及哉？是亡一萬乘之魏而強二敵之

齊楚也。竊以為大王籌策之臣無任矣。

任音壬，夫音扶，乘繩證反。

藩音蕃。

秦王喟然愁悟，遽發兵，日夜赴魏。齊楚聞之，乃

引兵而去。魏氏復全。唐且之說也。

復扶反。

考異

坊本且並作睢，一本遽作遂。

虞卿謂趙王曰：人之情，寧朝人乎？寧朝於人也。趙王

曰：人亦寧朝人耳。何故寧朝於人？虞卿曰：夫魏為從

主，而違者范痤也。今王能以百里之地，若萬戶之都

請殺范痤於魏，范痤死，則從事可移於趙。

朝直遙反，夫音扶，下

趙王曰：善。乃使人以百里之地，請殺范痤於魏。魏王

許諾，使司徒執范痤而未殺也。范痤獻書魏王曰：臣

聞趙王以百里之地，請殺痤之身。夫殺無罪范痤，薄

聞趙王以百里之地，請殺痤之身。夫殺無罪范痤，薄

故也。而得百里之地。大利也。臣竊為大王美之。雖然。而有一焉。百里之地不可得。而死者不可復生也。則王必為天下笑矣。臣竊以為與其以死人市。不若以生人市便也。為大之為于偽反。下為之同。復扶又反。○薄故猶細事也。又遺其後相信陵君書曰。夫趙魏敵戰之國也。趙王以咫尺之書來。而魏王輕為之殺無罪之座。座雖不肖。故魏之免相也。嘗以魏之故。得罪於趙。夫國內無用臣。外雖得地。勢不能守。然今能守魏者。莫如君矣。王聽趙殺。座之後。強秦襲趙之欲。倍趙之割。則君將何以止之。此君之累也。遺唯季反。相息亮反。輒遣政反。○關君長曰。座免相之後。以信陵為相。故云後。

相也。咫尺猶一尺也。言敵戰之國。而其書疎畧。不可遠信。以魏之故。蓋言以下魏為從主之故。用臣言下可用者。○國

信陵君曰。善。遠言之。王而出之。已也。恐其及

考異高本謂作請。曾本人也。作人乎。高本座作座。曾本劉本司徒作司空。高本便作使。一本無。

高本免相下有望字。劉本作室。坊本夫國下無內字。高本之欲作之。俗。

魏將與秦攻韓。朱己謂魏王曰。秦與我翟同俗。有虎狼之心。貪戾好利。而無信。不識禮義德行。苟有利焉。不顧親戚兄弟。若禽獸耳。此天下之所同知也。非所施厚積德也。好呼報反。行下孟反。施始鼓反。○朱己史記作無忌。吳師道曰。朱己即無忌字。訛也。愚按。史記非下有有字。此恐脫落。林西仲曰。即救魏亦擇利而行。非愛魏而施惠也。先徑破秦行。故太后母也。而以憂死。穰侯舅也。功莫大焉。而竟逐

之。兩弟無罪而再奪之國。此於其親戚兄弟若此。而

又况於仇讎之敵國也。昭王用范雎言廢太后逐穰侯出高陵涇陽見秦策敵國

也。則不明矣。羣臣知之而莫以此諫。則不忠矣。近附

女子奉一弱主。內有大亂。外安能支強秦魏之兵。王

以為不破乎。夫音扶下同。蓋是時韓韓亡。秦盡有

鄭地。與大梁鄰。王以為安乎。盡津忍反下盡拔盡亡

鄰。所謂益近秦者。王欲得故地。而今負強秦之禍也。

王以為利乎。故地魏嘗喪於韓之秦非無事之國也。

韓亡之後。必且便事。便事必就易與利。易以政反下

必不伐楚與趙矣。是何也。夫越山踰河。絕韓之上黨。

而攻強趙。則是復闕與之事也。秦必不為也。復扶又

內。倍鄴朝歌。絕漳滏之水。而以與趙兵。決勝於邯鄲。

之郊。是受智伯之禍也。秦又不敢。倍音背。道由也。

國所行者甚遠。而所攻者甚難。秦又弗為也。林西仲

若道河外。背大梁。而右上蔡召陵。以與楚兵。決於

易。若道河外。背大梁。而右上蔡召陵。以與楚兵。決於

易。若道河外。背大梁。而右上蔡召陵。以與楚兵。決於

易。若道河外。背大梁。而右上蔡召陵。以與楚兵。決於

無事之國謂以攻伐為務便事便宜從事也。關君長曰。就易伐與有利。暗指魏也。

上音過。下音豫。絕直度也。闕與地名。趙奢嘗敗秦於此。林西仲曰。不為者以其不易。

西仲曰。不敢以其不利。

林西仲曰。以其不利。

林西仲曰。以其不利。

林西仲曰。以其不利。

林西仲曰。以其不利。

林西仲曰。以其不利。

林西仲曰。以其不利。

林西仲曰。以其不利。

陳郊秦又不敵也。背音佩，召音邵。○陳亡屬楚，林西仲曰：以其不利。故曰秦

必不伐楚與趙矣。又不攻衛與齊矣。韓亡之後，兵出

之日，非魏無攻矣。衛齊皆在三晉之東，故又不攻。其易與利，無如魏者，故必攻之。秦

故有懷地邢丘安城埭津，而以之臨河內。河內之共

汲莫不危矣。故固通，共居庸反，下共莫同。○林西仲曰：韓亡後，秦攻魏，所以為就，易與利者。

此其一秦有鄭地，得垣雍，決滎澤而水大梁，大梁必

亡矣。雍於用反。○林西仲曰：秦攻魏，所以為就，易與利者。此又一路也。王之使者大

過矣。乃惡安陵氏於秦。秦之欲許之久矣。然而秦之

葉陽昆陽與舞陽高陵鄰，聽使者之惡也。隨安陵氏

而欲亡之。秦繞舞陽之北，以東臨許，則南國必危矣。

南國雖無危，則魏國豈得安哉。使所吏反，葉舒涉反。○安陵、魏之附庸，而

合於韓，故魏王使人惡之。秦言使者不敢斥王也。許故許國，亡屬韓，聽從也。隨猶繼也。言秦從使者之惡

而亡安陵氏，繼之而欲亡許也。南國謂魏以南國也。且夫憎韓不受安陵氏可

也。夫不患秦之不愛南國，非也。受猶容也，不容謂絕也。言憎韓絕安陵氏

猶可也。秦得魏以南之國，則去梁甚近，而不患之非也。異日者，秦乃在河西，晉

國之去梁也千里，有餘河山以蘭之。有周韓而間之。

從林鄉軍，以至于今，秦十攻魏，五入國中，邊城盡拔。

文臺墮，垂都焚，林木伐，麋鹿盡，而國繼以圍。又長驅

梁北，東至陶衛之郊，北至平闕，所亡乎秦者，山北河

外，河內大縣數百，名都數十。秦乃在河西，晉國之去

我國策正解 卷七下 後周園藏

大梁也尚千里而禍若是矣。又况於使秦無韓而有鄭地。無河山以蘭之。無周韓以間之。去大梁百里。禍

必百此矣。間古寬反。墮許規反。數色主反。○國國都也。去梁也。千里謂都絳安邑時。史記無餘

字。有字屬下。此恐衍。蘭闕通。遷也。林鄉地名。文臺臺名。無韓疑當作亡韓。上文韓亡秦盡有鄭地。可以見

矣。去大梁百里。謂秦去大梁之近也。林西仲曰。平日去秦甚遠。兼有韓蔽。猶且累得重禍。則韓亡之後。為

益。近秦其得禍百倍可知。自秦非無事之國。向至此。總言韓必不可伐。異日者從之不

成也。楚魏疑而韓不可得而約也。今韓受兵三年矣。

秦撓之以講。韓知亡猶弗聽。投質於趙而請為天下

鴈行頓刃。以臣之愚觀之。則楚趙必與之攻矣。此何

也。則皆知秦之無窮也。非盡亡天下之主。而臣海內

之民必不休矣。從子容反。下同。質音致。下同。為于偽反。行戶剛反。○質質子也。鴈行猶顏

行。謂前軍也。頓刃。謂折壞兵刃以戰也。是故臣願以從事乎王。王速受

楚趙之約。而挾韓之質。以存韓為務。因求故地於韓。

韓必効之。如此則士民不勞。而故地得其功多於與

秦共伐韓。然而無與強秦鄰之禍。夫存韓安魏而利

天下。此亦王之天時已。大時。言時會之大也。通韓之上黨於共

寧。使道已通。因而關之。出入者賦之。是魏重質韓以

其上黨也。共有其賦。足以富國。韓必德魏。愛魏重魏

畏魏。韓必不敢反魏。韓是魏之縣也。魏得韓以為縣

則衛大梁河外必安矣。共寧。皆魏地。言異日韓魏中絕。今通其道。衛時屬魏。今

不存韓則二周必危。安陵必易。楚趙大破。魏齊甚畏。天下之西鄉而馳。秦入朝為臣之日不久矣。鄉許亮反朝直

考異

劉本厚作惠坊本於其作其為高本坊本並奉作承今從盧本坊本亡秦下無盡字欲得上無王字諸本之國作之塞今從劉本諸本安城作之城索隱引策作安城今從之坊本有餘下有字蘭作關林鄉高本作林一字坊本作橫一字今從盧本諸本平闕作乎闕今從一本高本成也作成矣坊本知秦下有欲字諸本之主作之兵亦從一本高本挾韓下有魏字高本坊本並共寧作共莫史記作共甯今從盧本高本魏齊作魏衛一本甚畏作其畏諸本章末無矣字亦從一本

秦趙構難而戰。謂魏王曰。不如收趙而構之。秦王不構趙。趙不以毀構矣。而構之。秦趙必復闕。闕必重魏。

是并制秦趙之事也。

難乃且反復扶又反并音併○不以毀構言趙不能以毀折之

魏也。故曰并制秦趙之事也。王欲焉而收齊。趙攻

荆。欲焉而收荆。趙攻齊。欲王之東長之待之也。長丁丈反

○言秦趙重魏之後魏欲諸侯重已而收齊則趙因荆無齊之救為魏攻之欲其合魏收荆則趙攻齊亦然欲魏長於山東而為之盡力以待其成也

考異

坊本構並作構復闕上無必字一本有必字而無復字高本無一闕字坊本長之下有也

長平之役。平都君說魏王曰。王胡不為從。魏王曰。秦

許吾以垣雍。說始銳反從子容反雍於用反下同○說疑謂訛從謂與趙約從以救之垣雍

蓋韓所得於魏之地秦許魏以令韓歸之也平都君曰。臣以垣雍為空割

也。魏王曰：何謂也？平都君曰：秦趙久相持於長平之下，而無決。天下合於秦，則無趙；合於趙，則無秦。秦恐王之變也，故以垣雍餌王也。秦恐魏背己，救趙，故以垣雍為鈞，魏之餌也。秦戰勝趙，王敢責垣雍之割乎？王曰：不敢。秦戰不勝，趙王能令韓出垣雍之割乎？王曰：不能。臣故曰：垣雍空割也。魏王曰：善。令力呈反。○秦勝，則魏畏而不能出焉。秦勝與不勝，垣雍皆不可得，故曰空割也。

考異

一本無決，間添大字。

樓梧約秦魏，將令秦王遇於境。謂魏王曰：遇而無相，秦必置相，不聽之，則交惡於秦；聽之，則後王之臣將

皆務事諸侯之能令於王之上者。

將令之令力呈反，相息亮反，下同。

關君長曰：後謂是後諸侯謂如齊秦也，事之以藉其威力。

且遇於秦而相秦者，是

無齊也。秦必輕王之強矣。

相秦者謂相有秦者，或相下脫有字，言遇於秦且相

有秦者無齊親而畏秦故也，無齊親而合於秦，秦必輕之，獨言齊者以齊秦匹敵耳。有齊者不

若相之，齊必喜，是以有齊者與秦遇，秦必重之矣。

若不

二字疑當移有齊上，關君長曰：言如是則齊必喜，秦必重王矣。

考異

一本括作部，不聽下無之字，坊本於王下無之字，齊者下有王字。

八年，謂魏王曰：昔曹恃齊而輕晉，齊伐釐莒而晉人亡曹；繒恃齊而輕越，越人亡繒；鄭恃魏以輕韓，魏伐榆關而韓氏亡；鄭原恃秦翟以輕晉，秦

翟年穀大凶。而晉人亡原。中山恃齊魏以輕趙。齊魏伐楚而趙亡中山。此五國所以亡者。皆有所恃也。非獨此五國為然而已也。天下之亡國皆然矣。夫國之所以不可恃者多。其變不可勝數也。或以政教不脩。上下不輯。而不可恃者。或有諸侯鄰國之虞。而不可恃者。或以年穀不登。畜積竭盡。而不可恃者。或化於利。比於患。臣以此知國之不可必恃也。釐菜古字通。縉在稜反。夫音扶。勝音升。數色主反。畜穡同。積子賜反。毗志反。和子亂未詳。按西周策。魏攻秦。而鄭亡。韓子魏攻荆。而韓滅。鄭必有一誤。然則榆關屬秦乎。楚乎。未可知也。輯和也。登成也。化猶移也。猶近也。今王恃楚之強。而信春申君之言。以是賓秦。而久不可知。

即春申君有變。是王獨受秦患也。即王有萬乘之國。而以一入之心為命也。臣以此為不完。願王之熟計之也。賓擯通。乘繩證反。○久不可知。言日久則其變乃以一人之心為政令也。

考異

坊本章首有十字。高本輕越作悍。越畜作穡。賓作質。

魏王問張旄曰。吾欲與秦攻韓。何如。張旄對曰。韓且坐而胥亡乎。且割而從天下乎。王曰。韓且割而從天下。胥待也。張旄曰。韓怨魏乎。怨秦乎。王曰。怨魏。張旄曰。韓強秦乎。強魏乎。王曰。強秦。張旄曰。韓且割而從其所強。與所不怨乎。且割而從其所不強。與其所怨乎。

王曰韓將割而從其所強與其所不怨張旄曰攻韓之事王自知矣言攻韓之利害王可自知矣

考異 坊本晉作單

客謂司馬食其曰慮久以天下為可一者是不知天下者也食其音異基言天下不可一

欲獨以魏支秦者是又不知魏者也言魏不能支秦

謂茲公不知此兩者又不知茲公者也兩者謂天下不可一與魏不能支秦

然而茲公為從其說何也從則茲公重不從則茲公輕從子容反言茲公知兩者則輕也

茲公之處重也不實為期子何不疾及三國方堅也自賣於秦秦必受子不然橫者將圖子以合於

秦是取子之資而以資子之讎也處昌呂反期必也言為從而重則從不然則否不以從為必也三國蓋三晉堅謂從約之堅也自賣謂倍從合秦以自收利也橫者魏人欲橫者讎即橫者也關君長曰言橫者將圖子之所為以合於秦是取子合於秦之資反資橫者也

考異 劉本無久字一本不實問添以字

秦拔寧邑魏王令人謂秦王曰王歸寧邑吾請先天下講魏冉曰王無聽魏王見天下之不足恃也故欲先講夫亡寧者宜割二寧以求講夫得寧者安能歸寧乎令力呈反夫音扶言魏宜割如寧者二以求講秦不當歸寧而講也

考異 高本講作構

秦罷邯鄲攻魏取寧邑吳慶恐魏王之講於秦也謂

戰國策正解 卷之十一 後世國策

戰國策正解 卷之十一 後世國策

戰國策正解 卷之十一 後世國策

魏王曰秦之攻王也王知其故乎天下皆曰王近也

王不近秦秦之所去皆曰王弱也王不弱二周近附

周而攻王者以王為易制也王亦知弱之召攻乎音過

魏王欲攻邯鄲李梁聞之中道而反衣焦不申頭塵

不去往見王曰今者臣來見入於大行方北面而持

其駕告臣曰我欲之楚臣曰君之楚將奚為北面曰

吾馬良臣曰馬雖良此非楚之路也曰吾御者善此數者愈善而

用雖多此非楚之路也曰吾御者善此數者愈善而

離楚愈遠耳去起呂反數色主反離力智反下同

於天下恃王國之大兵之精銳而攻邯鄲以廣地尊

名王之動愈數而離王愈遠耳猶至楚而北行也王霸

考異

高本今者作今之坊 本下非楚下無之字

周肖謂宮他曰子為肖謂齊王曰肖願為外臣令齊

資我於魏他徒多反下同為肖之為于偽反今宮他

力呈反○身在魏而事齊故曰外臣宮他

離王之王于况反數色 角反○動舉互言也

行道也楚在南而北行故 曰非楚之路也用資用也 今王動欲成霸王舉欲信

焦卷也申舒也 不申不去欲見之速也

弱召 攻也

以王為弱而易制故也今又見攻而講是所以彌示

戈易以攻反○言魏強猶足以敵秦而秦特攻之者

近去起呂反下同○言秦之攻王也天下皆曰王近

秦故也然王實不近秦秦去而不令天下皆曰王弱

故也然王實不弱於二周是慶反秦人去邯鄲過二

天下之言言魏強猶足以敵秦也

音過

曰不可。是示齊輕也。鮑彪曰：肖魏臣而假重於外，是示齊以無魏之重。夫齊

不以無魏者，以害有魏者。故公不如示有魏。夫音扶，言齊

必不用無魏重者而害有魏重者，故不如示有魏重也。公曰：王之所求於魏者

臣請以魏聽。齊必資公矣。是公有齊以齊有魏也。言

有齊重故，有中魏重也。

信陵君殺晉鄙，救邯鄲，破秦人，存趙國。趙王自郊迎。

秦圍邯鄲，趙請救於魏。魏使將軍晉鄙將十萬眾救之。既而魏王畏秦，止晉鄙。趙請救益急，信陵君乃殺

晉鄙，將其眾救之。唐阻謂信陵君曰：臣聞之曰：事有

不可知者，有不可不知者，有不可忘者，有不可不忘

者。信陵君曰：何謂也？對曰：人之憎我也，不可不知也。

吾憎人也，不可得而知也。人之有德於我也，不可忘

也。吾有德於人也，不可不忘也。不可不知，言不可不知其見憎之由，知之

則改之也，不可得而知，言不可知其憎之由，知之則憎深也。今君殺晉鄙，救邯鄲

破秦人，存趙國，此大德也。今趙王自郊迎，卒然見趙

王，臣願君之忘之也。信陵君曰：無忌謹受教。卒粹同，關君

長曰：卒然見趙王，言輕遽迎謁而無德色。

魏攻管而不下，安陵人縮高其子為管守。下遐嫁反，下同，守手

又及下子守同。○兵師道曰：秦攻韓管而得之，縮高之子為秦守者也。通鑑綱目：縮高之子仕於秦，信

陵君使人謂安陵君曰：君其遣縮高，吾將仕之以五

大夫，使為持節尉。關君長曰：遣，放遣也。言信陵使安陵遣高而將仕之，胡三省曰：欲使

安陵以君諭其民以父諭其子也

安陵君曰安陵小國也不能必使

其民使者自往請使道

使者之使所吏及下使者大使同道音導

能必使其民猶不能必使民聽我

使者至縮高之所復信陵君之命

復白

縮高曰君之幸高也將使高攻管也夫以父攻

子守人大笑也見臣而下是倍主也父教子倍亦非

君之所喜也敢再拜辭

夫音扶倍音佩關君長曰幸謂五大夫持節尉愚謂臣

高自謂也

使者以報信陵君信陵君大怒遣大使之安陵

曰安陵之地亦猶魏也今吾攻管而不下則秦兵及

我社稷必危矣願君之生束縮高而致之若君弗致

也無忌將發十萬之師以造安陵之城

造七例及安陵魏附庸

故曰猶魏也

安陵君曰吾先君成侯受詔襄王以守此地

也手受大府之憲憲之上篇曰子弑父臣弑君有常

不赦國雖大赦降城亡子不得與焉

降戶江反與音預襄王魏襄

王也大府魏國藏圖籍之府也憲法令也有常有常

刑也降城以城降者亡子棄城亡者此二者不得與也大赦今縮高謹辭大位以全父子之義而君曰必生

致之是使我負襄王之詔而廢大府之憲也雖死終

不敢行

關君長曰大位即五大夫之屬父不攻子而無子弑父與見父而下是全父子之義縮

高聞之曰信陵君為久悍而自用也此辭反必為國

禍吾已全已無為人臣之義矣豈可使吾君有魏患

也乃之使者之舍列頸而死

言使者以安陵之辭反命於信陵信陵必怒攻

安陵吾已全已父子之義而因我為國禍是無下為人臣之義矣吾君謂安陵也魏惠即將發十萬之師是也信陵君聞縮高死服縞素避舍使使者謝安陵君

曰無忌小人也困於思慮失言於君敢再拜釋罪息

嗣反言攻管而不下思慮困窮因失言於君也

考異

一本夫下無以字坊本倍主作背王子倍作子背弗致下無也字造作告常下有刑字一

本謹作雖高本謹辭作謹解坊本我負上無使字高本負襄王下無之字坊本無為作無違高本服上有素字坊本使使下無者字

魏王與龍陽君共船而釣

龍陽鮑彪以為魏之幸臣關君長曰得之龍陽蓋封

地若安陵鄢陵屬據其曰臣爵至人君及走中辟於人
之類明其為幸臣也然說者以為王拂枕席疑為幸
姬按佞幸傳謂以色幸者與上起卧安知龍陽君得
不為拂拭乎後也龍陽之好亦言男子也

十餘魚而涕下王曰有所不安乎如是不相告也

對曰臣無敢不安也王曰然則何為涕出曰臣為王

之所得魚也王曰何謂也對曰臣之始得魚也臣甚

喜後得又益大今臣直欲棄臣前之所得矣臣為之為于偽

及下為王同以已既如是慮王亦然也今以臣凶惡而得為王拂枕席

今臣爵至人君走入於庭辟入於途四海之內美人

亦甚多矣聞臣之得幸於王也必褰裳而趨王臣亦

猶曩臣之前所得魚也臣亦將棄矣臣安能無涕出

乎辟音闢關君長曰凶謂行惡謂貌拂枕席言與王起卧因為拂拭枕席爵至人君言封為龍陽君

愚謂走入辟久謂朝廷道途遇之者皆走辟也魏王曰誤有是心也何不相

告也。於是布令於四境之內曰：有敢言美人者，族。師吳

道曰：誤恐是諱字訛得之。諱，悲恨之聲，族，死及族也。由是觀之，近習之人，其摯

諂也固矣。其自羣繫也完矣。今由千里之外，欲進美

人所効者，庸必得幸乎？假之得幸，庸必為我用乎？而

近習之人，相與怨我，見有禍，未見有福；見有怨，未見

有德，非用智之術也。摯，握持也。羣，覆也。言自覆其不

令我謂欲進之人也。關君長曰：此假善而繫結於主也。假之讀如假

美人，泛論疎遠之人，欲進賢才也。

考異

坊本為王作為臣，以臣下有之字，辟作避，趨王間有大字。

或謂魏王王做四疆之內，其從於王者，十日之內備

不具者死。王因取其游之舟上繫之。臣為王之楚王

胥臣之反而行。為于偽反，下同。械當從王者，游，旌旗之旒也。言已做

因先至而繫旒，待兵聚也。蓋欲急伐秦也。胥，待也。行，行兵也。春申君聞之，謂使者

曰：子為我反，無見王矣。十日之內，數萬之眾，令涉魏

境。使所吏反，下同。令力呈反。說者王謂楚王也。蓋春申示已專楚也。秦使聞之

以告秦王。秦王謂魏王曰：大國有意，必來。以是而足

矣。言魏王所做之兵而足矣。不必待楚也。蓋秦示知其情而折之也。

考異

坊本做作警，錢本無，高本繫作繫。坊本胥作耳，錢本反而作反乃。

觀鞅謂春申曰：人皆以楚為強，而君用之弱。其於鞅

也不然。以猶謂也。言人皆謂楚本為強國，而因君用

道必強，下有其說。先君者二十餘年，未嘗見攻。今秦欲踰兵

伐國，策正解

後

後

後

於澠隘之塞不使假道兩周倍韓以攻楚不可塞先代反

倍音佩○關君長曰先君者言君不用事之前不使魏不使秦踰兵於澠隘之塞也不可言使秦不可下假

道兩周倍韓以攻楚也二句追說往時魏為楚蔽耳因知今字誤衍愚謂今或矣訛今則不然

魏且旦暮亡矣不能愛其許鄆陵與梧割以予秦去

百六十里臣之所見者秦楚鬪之日也予音與○關君長曰

言秦得魏地與楚相近兩國交戰之日也已蓋鞅以為楚救魏不使割地以為蔽則秦不能伐楚是用之

必強國之道也愚謂蓋鞅為魏說也

考異

坊本觀鞅作魏鞅弱下有也字澠作郾去上有相字日也作日近

安邑之御史死其次恐不得也言其次當為御史者恐不得為御史也

輸人為之謂安邑令曰公孫綦為人請御史於王王

曰彼固有次乎吾難敗其法為于偽反敗必邁反○彼指安邑也言安邑固有其次當為御

史者乎則吾難敗其成法以用他人也因遽置之彪

曰令聞王言故立其次

考異

坊本有次下無乎字其法作之一字

景閔王

凡二章

秦攻魏急或謂魏王曰棄之不如用之之易也死之

不如棄之之易也能棄之弗能用之能死之弗能棄

之此人之大過也易以政反○言棄地賂之不如用

如割其地以賂之之易也當用而棄之當棄而死之此大過也今王亡地數百里亡

城數十而國患不解是王棄之非用之也今秦之強

也。天下無敵而魏之弱也甚。而王以是質秦王。又能

死而弗能棄之。此重過也。數色主反。解音蟹。下同。重直龍反。○質質的之質質。

秦猶云為秦質也。言秦魏強弱不敵。以是時愛地而受兵其死必矣。已亡地與城而患不解。又為秦質而

死此重過也。今王能用臣之計。虧地不足以傷國。界體不

足以苦身。解患而怨報。言報呂不韋主攻魏之怨也。秦自四境之

內。執法以下。至於長輓者。故畢曰。與嫪毐乎。與呂氏

乎。雖至於門閭之下。廊廟之上。猶之如是也。自字空在內下。

執法執政之臣。長字非衍。則上下必有闕文。輓者輓軍之人也。故固通畢盡也。嫪毐太后私人。與不

韋爭權者。言貴賤上下皆如是也。今王割地以賂秦。以為嫪毐功。卑

體以尊秦。以因嫪毐。王以國贊嫪毐。以嫪毐勝矣。王

以國贊嫪毐。太后之德王也。深於骨髓。王之交最為

天下上矣。孔叢子以嫪之。以作則。無下王以國贊嫪。毒六字。此疑誤衍。勝謂勝於不韋也。深於

骨髓。言深入於骨髓也。秦魏百相交也。百相欺也。今由嫪毐善

秦而交為天下上。天下孰不棄呂氏而從嫪毐。天下

必舍呂氏而從嫪毐。則王之怨報矣。捨音

考異 一本能用下無之字。劉本此人上無之字。坊本質作質。一本之此作也。此高本秦以作秦。

王毒太作氏。太舍作合。

秦王使人謂安陵君曰。寡人欲以五百里之地易安

陵。安陵君其許寡人。安陵已見前。安陵君曰。大王加惠。以

大易小。甚善。雖然。受地於先王。願終守之。弗敢易。秦

王不說。安陵君因使唐且使於秦。說音悅，使於之使

十里而令以五百里之地易之，故曰以大易小。秦王謂唐且曰：寡人以五百

里之地易安陵，安陵君不聽寡人，何也？且秦滅韓，亡

魏，而君以五十里之地存者，以君為長者，故不錯意

也。今吾以十倍之地，請廣於君，而君逆寡人者，輕寡

人與。長丁丈反，錯七路反，與音餘。唐且對曰：否，非若

是也。安陵君受地於先王而守之，雖千里不敢易也。

豈直五百里哉？秦王怫然怒，謂唐且曰：公亦嘗聞天

子之怒乎？唐且對曰：臣未嘗聞也。怫然，忿貌。秦王曰：天子

之怒，伏屍百萬，流血千里。唐且曰：大王嘗聞布衣之

怒乎？秦王曰：布衣之怒，亦免冠徒跣，以頭搶地爾。搶，突

也。言觸士之怒，如是而和解耳。唐且曰：此庸夫之怒也，非士之怒也。

夫專諸之刺王僚也，彗星襲月，聶政之刺韓傀也，白

虹貫日，要離之刺慶忌也，倉鷹擊於殿上。此三子者，

皆布衣之士也，懷怒未發，休祲降於天，與臣而將四

矣。若士必怒，伏屍二人，流血五步，天下縞素。今日是

也，挺劍而起。夫專之夫音扶，下同。刺七亦反。要一遙

襲入也。傀，韓相也。事見韓策。要離為吳王闔閭刺王

子慶忌，見吳越春秋。殿，謂吳宮殿。殿，稱始見於此。後

世專天子宸居曰殿。漢書東海王疆傳：初魯恭王好

宮室，起靈光殿，又黃霸傳：有孝子貞婦者，先上殿。注

顏師古曰：殿者丞相所坐屋也。古者屋之高麗，通呼

為殿，不必宮中也。休，吉徵，祲，戾氣，自三子言之為吉。

言上動天文又不止於百萬千里而已二人謂王與士也縞素喪服言天子遇弒天下服縞素也挺拔也

秦王色撓長跪而謝之曰先生坐何至於此寡人諭

矣曉撓屈論也夫韓魏滅亡而安陵以五十里之地存者

徒以有先生也論君長曰韓魏滅亡數語蓋記者餘

者故不錯意也又曰徒以有先生也雖秦王多變而或無之因知非秦王之言矣

考異

坊本且作睢爾作耳三子下無者字曾劉本休祲降於天作休烈隆於天

並費凡三十九章

夫事滿之誠王烈少楚呈幾日再丸之休韓與山白

且曰此爾夫之然少非士之然也

戰國策正解卷七下

終

